

342.8

W-13

348.8  
Ա. 14

24

77

01 MAR 20

«Յանայի» Գրադարան

№ 70


ԱՐՏԱՆՇԷՍ ԱՐԵՂԵԱՆ

# ԺՈՂՈՎՐԴԱՎԱՐ

## ԸՆՏՐՈՒԹԻՒՆՆԵՐ



ԵՐԿՐՈՐԴ ՏՊԱԳՐՈՒԹԻՒՆ



ԹԻՖԼԻՍ

Տպարան «Աւստաուր», Կեղևակի փող. № 15

1917

542.8

Ա-13

№ 70

«Յանայի» Գրադարան

№ 70

300

9121-ԱԲ

ԱՐՏԱՇԷՍ ԱԲԵՂԵԱՆ

# ԺՈՂՈՎՐԴԱԿԱՐ


## ԸՆՏՐՈՒԹԻՒՆՆԵՐ

ԵՐԿՐՈՐԴ ՏՊԱԳՐՈՒԹԻՒՆ

ԹԻՖԼԻՍ

Տպարան «Աշխատանք», Կրիլովսկի փող. № 15

1917



~~44-27/176~~

71399

27/18

01. 2013

1. Ժողովրդագրություն

Հնարական իրաւունքը անձանօթ գաղափար չէ հայկական կեանքում: Մեր ազգային-հասարակական հաստատութիւնները ղեկավարել են, գոնէ որոշ չափով, այդ սկզբունքով: Սակայն մեր կեանքում չէ եղել և ոչ մի շրջան, երբ հանրութեան միտքը այնչափ զբաղւած լինէր այս առաջնակարգ հարցով, որչափ այժմ: Այն հանգամանքը, որ Ռուսաստանը մեր օրերում մի առանձին թափով թեւակոխում է գէպի մի նոր կեանք, որի հիմքը պիտի կազմէ ժողովրդագրութիւն, ուստի և հասկանալի է այն տենդոյին հետաքրքրութիւնը, որ գոյութիւն ունի այդ հարցի շուրջ:

Եւրոպական ժողովուրդները վաղուց արդէն ուար են դրել ղեմոկրատիզմի ուղիի վրայ. նրանք այժմ զբաղւած են միայն վերջնականապէս հարթելով այդ ուղին: Մեր դարաշրջանը իրամամր կարող է կոչւել պնտական հասարակական կեանքի ռամկավարացման դար, որ իբրև կտակ թողեց «լուսաւորութեան» (18-րդ) դարը, մասնաւորապէս նրա թագն ու պսակը՝ Յրանսիական Մեծ Յեղափոխութիւնը:

Ռուսական Մեծ յեղափոխութեան շտրհիւ էլ՝ ղեմոկրատիզմի գաղափարը նաև Ռուսաստանում միանգամից զբաւեց ամուր հող: Ներկայումս նա քարձել է հանրային սեփականութիւն: Պորեղոնոսցեւր, «Ռու-



4039-89

սաստանի սև հողին», ինչպէս որ նրան կոչել են Եւրոպայում, այն կարծիքն է յայտնել ռամկավարութեան մասին, թէ նա «մեր ժամանակի ամենամեծ խաբերայութիւնն է»: Միանգամայն հակառակ հարծիքի են եղել և են ժողովրդի իսկական բարեկեանները, որոնց բոլորի կարծիքը կարելի է ամփոփել անգլիացի յայտնի տնտեսագէտ և հասարակագէտ Զոն Մտիւարս Միլլի հետևեալ խօսքի մէջ. «Կառավարութեան լուսագոյն եղանակը ռամկավարութիւնն է»:

Նախ տեսնենք, թէ ինչ է գեմոկրատիզմը: Այս խօսքի տակ պիտի հասկանալ այն սկզբունքը, որի համաձայն պետական-հասարակական կեանքում գոյութիւն ունեցող ամեն մի օրէնագրութիւն, իշխանութիւն կամ կառավարութիւն պիտի բղիւնէ ժողովրդից, հասարակութեան կամքի մէջ պիտի ունենայ այդ իշխանութիւնը իւր հիմքը: Ուրիշ խօսքով մի տէրութեան ազգաբնակչութիւն ինքն է իրեն կառավարողը և ոչ ուրիշ մէկը կամ շատերը: Այդ են պահանջում թէ արդարութիւնը և թէ մի ժողովրդի շահերը:

Իսկ ինչպէս կարող է մի ժողովուրդ ինքն իրեն կառավարել. չէ որ շատ բարդ գործ է ժողովրդի կառավարութիւնը: Հին պատմութիւնը ուսումնասիրելով մենք տեսնում ենք հետևալը: Հին Յունաստանի զանազան քաղաքներ (օր. Աթէնք, Սպարտա) իրենց շքր-շականերով կազմում էին առանձին և անկախ պետութիւններ, — քաղաք-պետութիւններ: Երբ հարկաւոր էր լինում օրինակ Աթէնքի համար մի օրէնք հրատարակել կամ պատերազմ յայտարարել՝ հաւաքում էր ժողովուրդը մի տեղ և վճիռ կայացնում. ուրեմն՝ ժողովուրդն անմիջապէս կառավարում էր ինքն իրեն. այնտեղ գոյութիւն ունէր անմիջական ժողովրդագլխարկի: Այսպիսի կառավարութեան եղանակ գոյութիւն ունէր

նաև միջին Ռուսաստանի մի քանի իշխանութիւններում, օր. Նովգորոդում, Պսկովում: Երբ հարկաւոր էր լինում կարգադրութիւններ անել պետական կարևոր հարցերի շուրջ՝ իշխանութեան սահմաններում ազրոդ արտկան սեռի բոլոր չափահաս մարդիկ ժողովի էին հաւաքում քաղաքի հրապարակ: Այդպիսի ժողովները միջնադարեան Ռուսաստանում վեչե (вече) անունն էին կրում:

Անմիջական ժողովրդագլխարկի գոյութիւն ունի ներկայումս միայն Եւեյցարիայի մի քանի թւով չորս մանրիկ՝ այսպէս կոչւած «գիւղական համայնքների» կանտոններում (Landsgemeindekanton): Ենդրհիւ այդ կանտոնների փոքր տարածութեան և սակաւթիւ, գլխաւորապէս գիւղացիական, ազգաբնակչութեան — նրանցից ամենաբազմամարդը հազիւ 60,000 բնակիչ ունի, — հնարաւոր է եղել մինչև մեր օրերը պահել այդ երկիրներում անմիջական ժողովրդագլխարկիւնը: «Համայնական ժողովը» (Landsgemeinde) գումարում է տարւայ մի որոշ ժամանակ, որն և միաժամանակ ազգային ածնախմբութեան ընաւորութիւն է կրում. բաց երկնքի տակ մշակում և հրատարակում են օրէնքներ, անում են արհրաժեշտ կարգադրութիւններ, ուր և ընտրում են այն սակաւաթիւ պաշտօնեաները, որոնք արհրաժեշտ են համարում ընթացիկ գործերը կառավարելու համար, — գիւղագլխարկի, դատաւորներ, գոնձապահներ և այլն:

Վերոյիշեալ օրինակները ցոյց են տալիս, որ անմիջական ժողովրդագլխարկիւնը հնարաւոր է պահպանել միայն շատ մանր և սակաւաթիւ ազգաբնակչութիւն ունեցող երկիրներում: Ինքնըստիսբեան հասկանալի է, որ մեր ժամանակի սովորական պետութիւնները անկարող են իրագործել անմիջական ժողովրդա-

պետութիւնը: Ոչ մի հնարաւորութիւն չի կրնի օր-  
հողարիայի, Յունաստանի—էլ չեմ ասում Քերմանիա-  
յի կամ Ռուսաստանի ամբողջ իրաւատէր ազգաբնա-  
կութիւնը ամեն տարի, թէկուզ կարճ ժամանակով,  
մի տեղ հաւաքել և օրէնքներ մշակել ու հրատարակել:

Նոր ժամանակները մշակել և գործադրութեան  
մէջ են մտցրել ժողովրդապետութեան մի ուրիշ եզա-  
նակը, ոչ անմիջական, այլ միջնորդական կամ ներկա-  
յացուցչական ժողովրդապետութիւնը: ✓ Կերջինիս էութիւնը հետեւեալն է: Քանի որ անհնար է, նոյնիսկ յա-  
ճախ ցանկալի էլ չէ, մի երկրում մտցնել անմիջական ժողովրդապետութիւն, ուստի և ժողովուրդն իր ազատ  
կամքով ընտրում է իր միջից արժանաւոր և վստահելի  
անձնաւորութիւններ, որոնք և, ազգաբնակչութեան  
որոշ մասի ներկայացուցիչը լինելով, ժողովում են և  
միասին խորհրդակցելով հրատարակում օրէնքներ, կա-  
ռավարում երկիրը:

Իսկ այն իրաւունքը, որով մի պետութեան քա-  
ղաքացի կամ մի համայնքի անդամ իրաւունք է ստա-  
նում պետական-հասարակական գործերը վարող հաս-  
տատութիւնների ընտրութիւններին մասնակցելու,  
կոչւում է ընտրական իրաւունք. ընտրելու իրաւունքը  
կոչւում է ակտիւ ընտրական իրաւունք, իսկ ընտրելու  
իրաւունքը՝ պասիւ ընտրական իրաւունք:

Սնտարակոյս պետական կեանքի զարգացումը  
անմիջական ժողովրդապետութիւնից մի ոտիւնով չէ  
թեակոխել ժամանակից ներկայացուցչական ժողովրդա-  
պետութիւնը: Շւէյցարիայում, օրինակ, մեր օրերումս  
էլ գոյութիւն ունի ժողովրդապետութեան մի եզանակ,  
որ միջին տեղն է բռնում վերոյիշալ երկուսի մէջ:  
Սուքս Ռեքեմեդումի մասին է, որի էութիւնը հետե-  
ւեալն է: Երբ հարկաւոր է լինում երկրի համար մի

օրէնք հրատարակել՝ այդ օրէնքը մշակում է ժողովր-  
դից ընտրւած ներկայացուցչական ժողովում, այնտեղ  
քննելուց յետոյ օրինալիճը յանձնւում է ատանձին-  
ատանձին համայնքներին ի ձայնատուութիւն: Եթէ  
ժողովրդի մեծամասնութիւնը օրինալիճին հաւանութիւն  
տայ՝ նա կընդունի և կդառնայ հաստատուն օրէնք,  
իսկ եթէ ոչ՝ կմերժւի բոլորովին: Ուրեմն, յամենայն  
զէպս, օրինալիճի վերջնականապէս վճռող ինստան-  
ցիան, իսկական օրէնստուն ոչ թէ ժողովրդական ներ-  
կայացուցիչներն են, այլ ժողովուրդը ինքը: Երկու տե-  
սակ ռեֆերենդում կայ—1. պարտադիր ամեն մի քրն-  
ւըւող օրինալիճ համար, 2. Ոչ-պարտադիր (Ֆակուլ-  
տատիւ), երբ ռեֆերենդումի են դիմում որոշ թւով  
քաղաքացիներ:

Ռեֆերենդումի հետ կապւած է մի քանի կան-  
տոններում ինիցիատիւ կամ օրէնսդրական նախաձեռ-  
նութեան իրաւունքը. այսինքն որոշ թիւ կազմող քա-  
ղաքացիներ իրաւունք ունեն ներկայացուցչական ժո-  
ղովի քննութեան առարկայ դարձնել իրենց կողմից  
ստաջարկւած օրինալիճեր:

Եւրոպական միւս երկիրներում իսպառ վերացել  
է անմիջական ժողովրդապետութիւնը: Ժողովրդական  
ներկայացուցիչների ձեռքին է օրէնսդրական իրաւունքը:  
Նոյնիսկ երկրի սահմանադրութիւնը փոփոխելիս գի-  
մում չէ լինում անմիջապէս իրեն ժողովրդին: Ուրիշ  
խօսքով՝ ժողովրդապետութիւնը ժամանակակից սահ-  
մանադրական և պարլամենտական պետութիւններում  
ընտրել է կողմնակի ճանապարհ՝ ընտրւած ներկայ-  
ցուցիչների միջոցով:

Սովորական կեանքում էլ շատ է պատահում, որ  
որոշ սահմանափակ թւով մարդիկ, երբ անհնար կամ  
անկարելի է լինում համախմբել և իրենց բոլորին

հետաքրքրող հարցերի մասին խորհրդակցել, նրանք ընտրում են իրենց միջից ներկայացուցիչներ, որոնք և միասին խորհրդակցելով անօրինում են բոլորին վերաբերող գործերը. այսպէս է լինում օր. ակցիոններական, արհեստակցական և այլ ընկերութիւններում: Այսպէս է լինում նաև հասարակական գործերում՝ օր. քաղաքային ինքնավարութեան ձայնաւորների ընտրութիւնը և և այլն: Եւ եթէ մենք կարևոր նշանակութիւն ենք տալիս վերոյիշեալ մասնաւոր և սահմանափակ թւով մարդկանց վերաբերող ընտրութիւններին սրչափ աւելի աշակուղջ վերաբերմունք պիտի ցոյց տանք զէպի համապետական ընտրութիւնները, որոնցից է կախած ամբողջ պետութեան վիճակը:

Սահմանադրական երկիրներում, համապետական գործերի համար, ուրեմն, գոյութիւն ունի ընտրական իրաւունք: Այն քաղաքացին, որ իրաւունք ունի վերոյիշեալ նպատակով մասնակցելու ընտրութիւններին, կոչւում է ընտրող (избиратель), իսկ ընտրւած՝ երեսփոխ, ներկայացուցիչ կամ պատգամաւոր (դեպուտատ): Ժողովրդական ներկայացուցիչների ժողովը, որ կանչւում է մի քանի (սովորաբար 4—6) տարով և ուր քննւում և մշակւում են ամբողջ երկրին վերաբերող օրէնքներ, զանազան երկիրներում զանազան անուն է կրում. Անգլիայում պարլամենտ, Գերմանիայում՝ օպօրտապ, Ֆրանսիայում պատգամաւորների ժողով, Ռուսաստանում այդ հաստատութիւնը Պետարտե Դումա է կոչւել:

Ո՞րն է ամեն մի ժողովրդական ներկայացուցչութեան գլխաւոր գերը:

Ի՞նչը սահմանադրական երկիրներում իշխանութիւնը բաժանւում է երեք կարգի—օրէնսդրական, գործադիր և դատական: Կարևորագոյնը նրանց մէջ օրէնս-

դրական իշխանութիւնն է, նա է հրատարակում ամբողջ երկրի համար պարտադիր օրէնքներ և, այդպիսով, նրա ձեռքին է երկրի վիճակի անօրէնութիւնը: Այդ իշխանութիւնն է, որ գտնւում է ժողովրդական ներկայացուցիչների ժողովի՝ պարլամենտի ձեռքում: Ի հարկէ, այդ իրաւասութիւնը լինում է սահմանափակ կամ լայն, նայած թէ մի սահմանադրական երկրում սրչափ զերիշխող է զարձեղ ժողովրդապետութիւնը: Ըստ այնմ էլ՝ ուր գոյութիւն ունի իսկական ժողովրդապետութիւն, բուն Պարլամենտարիզմ (հասարակապետութիւններում) օրէնսդրական և միւս իշխանութիւնները բարձրագոյն իշխանութիւնը անբաժան գտնւում են ժողովրդից ընտրւած ներկայացուցիչների ձեռքում. իսկ ուր իշխում են սոսկ սահմանադրական կարգեր (սահմանադրական միապետութիւն), այնտեղ բարձրագոյն իշխանութիւնը բաժանւում է, մասամբ գտնւում է ժողովրդի, մասամբ էլ է միապետի ձեռքում. նրանք երկուսը միասին միայն կազմում են պետութեան բարձր իշխանութիւն, իսկ միւս՝ գործադիր և դատական իշխանութիւն՝ արդէն իսկ նոյն միապետի գործակալների արտօնութիւնն է լինում: Իսկ ինքնակալ միապետական երկիրներում ամբողջ բարձրագոյն իշխանութիւնը գտնւում է միապետի ձեռքում:

Յամենայն դէպս ակներև է ժողովրդական ներկայացուցիչների ժողովի՝ պարլամենտի ունեցած ահագին նշանակութիւնը մի երկրի համար: Ժողովրդի համար կենսական հարց է, թէ ի՞նչ մարդկանցից է բաղկացած պարլամենտը, որը սահմանում է, թէ ի՞նչ իրաւունքներ և պարտականութիւններ ունեն պետութեան քաղաքացիները կամ դատակարգերը, թէ ի՞նչ տեսակ հարկեր են սահմանւում և ինչպէս են գործադրւում ժողովրդից հաւարած փողերը, և թէ ի՞նչ իրաւունքներ և

պարտականութիւններ պիտի ունենան երկիրը կասա-  
վարող աստիճանաւորները, և այլն: Ուստի և բնակի-  
ւորար, ամեն մի քաղաքացի պարտաւոր է իմանալ և  
զիտակցել, թէ ինչպէս են բնութում ժողովրդական ներ-  
կայացուցիչները, արդեօք գոյութիւն ունեցող ընա-  
րական կարգերը ապահովում են ամբողջ ժողովրդի, թէ՛  
որոշ դասակարգերի շահերը, ինչպէս պիտի ընտրել,  
որի հետևանքը լինի ամբողջ ժողովրդի, ամենից առաջ  
աշխատաւոր դասակարգերի շահերի պաշտպանութիւնը:  
Ահա այս հարցերին կուղէինք տալ պատաս-  
խաններ:

II. ԱՆԽՆՏՐԱԿԱՆ ՊԱՅՄԱՆՆԵՐ՝

Բաւական չէ, որ թղթի վրայ գոյութիւն ունե-  
նան թէկուզ ամենալաւ օրէնքներ, ամենադեմոկրատիկ  
ընտրական իրաւունք. հարկաւոր է, որ այդ բարբը  
նաև գործադրւի կեանքի մէջ:

Յայտնի է, որ նախքան յեղափոխութիւնը էլ  
Ռուսաստանը ունէր սահմանադրութիւն, որը, սակայն,  
մնում էր մեռած տառ երկրի համար. իրապէս իշխում  
էր ամենադաժան բռնապետութիւնը: 1905 թ հոկտ.  
17-ի մանիֆեստով Ռուսաստանի համայն ազգաբնա-  
կութեան խոստացուեցին մի շարք քաղաքական ազա-  
տութիւններ. մի, թէև թերի, սահմանադրութիւն. սա-  
կայն իրականութիւնը մեզ այլ բան ցոյց տուց. եր-  
կիրը հեծում էր ցարիզմի ճիրանների մէջ:

Ուրեմն՝ բաւական չէ որ օրէնքով սահմանւի  
թէկուզ ամենադեմոկրատիկ՝ քառանդամ ընտրական ի-  
րաւունք, ինչպիսին և պահանջում են բոլոր առաջա-  
վար կուսակցութիւնները. հարկաւոր է, որ ժողովրդին,

ընտրողներին հնարաւորութիւն տրւի օգտելու այդ ի-  
րաւունքից. մի խօսքով՝ հարկաւոր է ստեղծել այն-  
պիսի նախընտրական պայմաններ, որոնք ապահովեն  
սահմանաւած ընտրութիւնները:

Ամեն մի ազատ ընտրութիւն կատարելու համար  
անհրաժեշտ է, որ երկրում իշխէ կատարեալ ազատու-  
թիւն՝ խօսքի, մտնուլի եւ ժողովուրդի ազատութիւն,  
նաև՝ անձի եւ բնակարանի անձեռնմխելութիւն:

Երբ մէկին իրաւունք է տրւում ընտրելու կամ  
ընտրելու, այդ դէպքում, ընականաբար, անհրաժեշտ է,  
որ գոյութիւն ունենան վերոյիշեալ ազատութիւնները:  
Հարկաւոր է, որ մարդիկ իրենց քաղաքական-հասա-  
րակական հայեացքները ազատ կերպով արտայայտեն  
թէ՛ գրաւոր և թէ՛ բանաւոր կերպով-նր և կամենան:  
Ուր չկան նախընտրական այս անհրաժեշտ պայման-  
ները, այնտեղ կատարւած ընտրութիւններն էլ չեն  
լինիլ արտայայտութիւն ժողովրդական կամքի:

«Մարդս հասարակական կենդանի է», ասել է  
դեռ շատ դարեր առաջ յայտնի յոյն փիլիսոփայ Արիս-  
տոտելը: Այդ խօսքով նա յայտնել է այն ակնյայտ  
ճշմարտութիւնը, թէ մարդ իբրև այդպիսին անբաժան  
է հասարակութիւնից, նրանից է ստանում իւր մտա-  
ւոր և բարոյական կարողութիւնը, և փոխադարձա-  
բար՝ նրանից էլ օգտւում է հասարակութիւնը: Երբ  
մէկը ունի մի քաղաքական համոզմունք, նա սովորա-  
բար անհրաժեշտութիւն է զգում քարոզելու, տարա-  
ծելու այդ համոզմունքը: Եւ այդ կարելի է ամենից  
առաջ՝ խօսքի, մամուլի և ժողովումների միջոցով:  
Հարկաւոր է, որ մարդկանց միտքը չկաշկանդեն զանա-  
զան ստիկանական և ցենզորական շղթաներով, պէտք  
է ամենքին ազատ թողնել գրելու և քարոզելու իւ-  
մտքերը:

Հոկաեմբերեան մանիֆեստը խոստանում էր այդ ազատութիւնները. խոստումը գործ չդարձաւ, յայտնի է, որ այդ մանիֆեստից յետոյ աւելի ևս իր թեւերը տարածեց համայն Ռուսաստանի վրայ արիւնոտ, խաւար բռնակալութիւնը:

Ու այդ պայմանների մէջ կատարում էին Պետական Դումայի ընտրութիւնները:

Թոյլ չէին տրւում ժողովուրդներ, ուր ամեն անակ քաղաքական համոզմունքի տէր մարդիկ խօսէին ու բացատրէին իրենց ծրագիրները: Հէնց որ մի քանի մարդիկ հաւաքուում էին միասին, իսկոյն նրանց ցըրւում էին սեփները ոյժով: Չկար նաև մածուկի ազատութիւն: Հէնց որ մի օրգան խիստ քննադատում էր կառավարութիւնը՝ իսկոյն լռեցնում էին նրան, փակում լրագիրները, դեռ շատ անգամ խմբագրին էլ արստրում էին:

Կառավարութիւնը, զրկելով ազգաբնակչութիւնը անհրաժեշտ համարուող նախընտրական պայմաններից՝ խօսքի, մամուլի և այլ ազատութիւններից՝ նպատակ ունէր զրկել այդ ընտրութիւնները ժողովրդական ոգուց, դարձնել նրանց մի նոր ստոր գործիք՝ բիւրոկրատիայի ձեռքին:

Ապա՝ հարկաւոր է նաև անձի ու բնակարանի անձեռնամխելութիւն: Սովորական բան էր, որ մեզնում առանց որևէ հիմնաւոր պատճառի, նոյնիսկ կէտ զիշերին, մտնէին մէկի բնակարանը և խուզարկէին թէ բնակարանը և թէ բնակիչներին: Ուրիշ խօսքով՝ ժանդարմերիան կամ ոստիկանութիւնը ազատ էին ձեռնամուխ լինելու մեր անձին և մեր բնակարանին. բաւական էր, որ մէկը «անվստահելի» կամ «անբարեյոյս» ճանաչւած լինէր ոստիկանութեան կողմից:

Այդպիսի անվստահութիւն արտայայտուում էր

մանուաւոր ընտրութիւնների ժամանակ դէպի այնպիսի մարդիկ, որոնք իրենց քաղաքական-հասարակական համոզմունքներով հակառակորդ էին հանդիսանում կառավարութեանը. և նրանք ենթակայ էին լինում հալածանքի:

Ուրեմն՝ անհրաժեշտ նախընտրական պայման է նաև անձի և բնակարանի անձեռնամխելութիւնը, առանց որի անկարելի է ազատ պրոպագանդ մղել:

Վերոյիշեալ նախընտրական պայմանները այն ընդհանուր գիծն ունեն, որ նրանք դուրս են ընտրողների անմիջական իրաւասութիւնից, նրանք սահմանուում են օրէնքով:

Բայց կան նաև մի շարք ուրիշ պայմաններ, որոնք կախւած են արդէն ընտրողների կամքից, պայմանով որ երկրում իշխեն վերոյիշեալ անհրաժեշտ համարւած ազատութիւնները:

Ասենք թէ երկրում գոյութիւն ունեն խօսքի, մամուլի ժողովների ազատութիւն: Այս դեռ բաւական չէ, որ կատարելիք ընտրութիւնները լինեն ժողովրդավար:

Չէ որ ժողովուրդը, ամբողջովին վերցրած, գիտակից չէ միանգամայն, նա դեռ չգիտէ իր շարն ու բարին, ոչ-բոլորը գիտեն, թէ պարլամենտի համար ընտրուող պատգամաւորը ի՞նչպիսի օրէնքներ հրատարակելուն պիտի աջակցէ, որ լինեն ժողովրդի շահերին համապատասխանող:

Օրինակ՝ պարլամենտում պիտի որոշեն, թէ ինչպիսի հարկեր պէտք է հաստատուել. ամբողջ ազգաբնակչութիւնը շահագրգռւած է այդ բանում: Իսկ այդ հարցը տարբեր մարդիկ տարբեր կերպով են հասկանում:

Հարկաւոր է ուրեմն, որ ընտրութիւնից առաջ

հիմնական քաղաքական-սոցիալական հարցերի մասին նոյն կերպ մտածող մարդիկ համախմբւեն, հարկաւոր է, որ այդպիսի համախմբումները առաջնորդւեն իրենց որոշ, սեփական ծրագրով:

Նոյն ընտրական շրջանում, այդպիսով, առաջ կը գան մի քանի խմբակներ՝ տարբեր ծրագիրներով: Այդ խմբակներից իւրաքանչիւրը կաշխատի, որ ընտրւի իր թեկնածուն, քանի որ, իր կարծիքով, նա կարող է ամենալաւ կերպով պաշտպանել իր ընտրող խմբակի հասկացած ճշմարիտ քաղաքական-հասարակական հայեացքները:

Մի տէրութեան սահմաններում նոյն հիմնական քաղաքական-մտեսական համոզմունքներն ունեցող խմբակները միանալով կազմում են կուսակցաթիւններ, իսկ նրանց բոլորին միացնող ընդհանուր ծրագիրը՝ կուսակցաթեան ծրագիր, որ ընդունելի պիտի համարւի կուսակցութեան բոլոր անդամների համար:

Ազատ երկիրներում այդպիսի կուսակցութիւնները հանգիստնում են մի-մի համայնքներ, իրենց որոշ կանոնադրութեամբ ընկերական սերտ յարաբերութիւններով—մանաւանդ՝ սօցիալիստական կուսակցութիւնները: Պարլամենտական-քաղաքական կուից գուրս էլ նրանք պահպանում են իրար հետ ընկերական-կուսակցական կապ. ունենում են իրենց յատուկ կուսակցական կուրքները, ժողովները, ընկերութիւնները, յատուկ կուսակցական գրականութիւն: Թէ խօսքի և թէ գրի միջոցով ամեն տեղ նրանք տարածում են իրենց կուսակցութեան գաղափարները, որոնցով և ազդում են կուսակցութեան անդամները:

Այդ բոլորից զատ հարկաւոր են նաև մի քանի անխնդրական յարմարութիւններ: Ընտրութիւնները կատարւում են այսպէս: Ամբողջ երկիրը բաժանւում է

որոշ թիւ կազմող ընտրական շրջաններ: Այդ շրջանները կարող են համապատասխանել արդէն գոյութիւն ունեցող վարչական շրջաններին (նահանգ, գաւառ, քաղաքամաս և այլն), կամ, ակելի լաւ, կարող են բոլորովին նոր կազմել: Յամենայն դէպս, ոամկազար ընտրութիւնները պահանջում են, որ ընտրական շրջանները ունենան գոնէ մօտաւորապէս համաչափ ազգարնակութիւն, որպէսզի պարլամենտ գնացող բոլոր պատգամաւորները ներկայացուցիչ լինեն հաւասարաչափ ազգաբնակչութեան:

Իւրաքանչիւր ընտրական շրջանի համար պատրաստում են ընտրուելի ցուցակ (списокъ избирателѣй), որից և իմացւում է թէ այդ շրջանում ով իրաւունք ունի ընտրելու: Այդ ցուցակները օրեր, նոյնիսկ շաբաթաթիւներ առաջ պիտի պատրաստել և յայտարարել կամ կպցնել հրապարակական վաշերում, որպէսզի բոլոր բնակիչները հարաւորութիւն ունենան ստուգելու ցուցակները: Ազատ հոգս պիտի քաշել, որ ընտրութեան ժամանակ, երբ հրաւեր է ուղարկւում ընտրողներին, այդպիսի հրաւերներ ստանան բոլոր ընտրողները. չլինի թէ զանազան կուսակցական և այլ միտումներով շատերը զրկւեն ձայնուութիւնից:

Այդ անելուց յետոյ ընտրական շրջանում որևէ ոչօ ներկայացնող ամեն մի կուսակցութիւն յայտարարում է իւր թեկնածուի անունը. յանձնարարում է իւր կուսակիցներին և ամենքին, որ ընտրեն այդ թեկնածուին պրոպագանդ և ազիտացիա է անում, թէ միայն այդ կուսակցութեան ներկայացուցիչը կարող է պաշտպանել ժողովրդի իսկական շահերը:

Ազատ երկիրներում իրենք թիկնածուներն էլ պրոպագանդ են անում, ձանապարհորդում են գիւղից գիւղ, քաղաքից քաղաք, միտինգներ են անում, բա-



իրականութիւնը: Անհրաժեշտ է ուրեմն, որ ընտրութիւնները լինեն կիրակի կամ տօն օրերին:

Անհրաժեշտ է մտածել նաև այն մասին, որ ընտրութիւնները կատարեն յարմարաւոր տեղ, կենտրոնական վայրում: Եթէ ընտրութեան վայրը հետու է, այդ դէպքում էլ աշխատաւոր գիւղացին չէ կարող թողնել իր գործը և տասնեակ վերստեր հեռու գտնուող ընտրութեան տեղ երթալ, ուր նա պիտի ձայն տայ: Հարուստների, կալածատէրերի համար դժուար չի լինի կառքով ու ձիով «գրօսանք» կատարել, երթալ ուր պէտք է, իջնել հիւրանոցներում, օրերով նոյնիսկ մնալ, օգտուել ընտրական իրաւունքից և ապա վերադառնալ: Ընտրողներին հարկաւոր է գիւրութիւն տալ, որ նրանք ըստ կարելոյն հեռու երթալու չստիպեն և կարճ ժամանակաւ ընթացքում կատարեն իրենց պարտականութիւնը:

### III. ԸՆԴՀԱՆՈՒՐ ԸՆՏՐՈՂԱԿԱՆ ԻՐԱՒՈՒՆՔ

Եթէ մի երկրում գոյութիւն ունեն անհրաժեշտ համարւած նախընտրական պայմաններ ժողովրդապետութիւն հաստատելու համար, այդ դէպքում էլ ծագում է մի ուրիշ, ամենակարևոր հարց. — ինչպիսի ընտրութիւններ են հարկաւոր, որոնք բուն արտայայտիչ լինեն ժողովրդական կամքի, որոնց միջոցով ամբողջ ժողովուրդը, և ոչ նրա այս կամ այն գասակարգը, կարողանայ հանդէս գալ յանձին ժողովրդական ներկայացուցիչներին: Ընթերցողը կիմանայ արդէն, որ սամկավար կուսակցութիւնները պահանջում են բոլոր ընտրութիւնները կատարել քառանգամ սիստեմով,

այն է՝ իբրագործել ընդհանուր, հաւասար, ուղղակի և զազմի բնօրական իրաւունք: Դրա վրայ պիտի աւելացնել սամկավար ընտրութիւնների մի ուրիշ կարևոր կողմը, այն է, որ նրանք պիտի լինեն նաև (համեմատական պրոպորցիոնալ): Այս բոլորի մասին էլ խօսք պիտի լինի այս գրքոյկում: Այն ժամանակ միայն ընտրութիւնները կլինեն ժողովրդական, երբ նրանք կատարեն յիշած եղանակով:

Եւրոպական ազատ երկիրներում այս կամ այն չափով զործադրւում է ընդհանուր ընտրական իրաւունքը, շատ տեղ մեծ սահմանափակումներով. կան նաև երկիրներ, ուր ընտրութիւնները կատարւում են այլ կերպ:

Ի՞նչ պիտի հասկանալ, երբ ասում են ընդհանուր ընտրական իրաւունք:

Այդ նշանակում է, թէ պարլամենտական կամ սոստատրակ բոլոր ընտրութիւնների ժամանակ ձայնի իրաւունք պիտի ունենան պետութեան բոլոր չափահաս քաղաքացիները, — սղամարդ թէ կին: — Բացառութեամբ, ի հարկէ, հոգեկան հիւանդների և դատաստանական ճանապարհով ընտրական իրաւունքից զրկւածներին:

Սակայն իրականութիւնը ցոյց է տալիս, որ համարեա բոլոր երկիրներում էլ առաջ են բերւում շատ խոչընդոտներ ընդհանուր ընտրութիւնների դէմ:

Շատ երկիրներում գոյութիւն ունի ոչ թէ ընդհանուր, այլ զասային (сословное) ներկայացուցչութիւն, որի ժամանակ իշխում է կամ զերիշխում է երկրի ազնւրականութիւնը: Այս դէպքում ուրեմն ընտրելու իրաւունք են ստանում մարդիկ ոչ իբրև հաւասար քաղաքացիներ՝ հաւասար իրաւունքներով և պարտականութիւններով, այլ իբրև որոշ դասի պատկանող ան-

հատներ: Ասում են, թէ զանազան դասերը՝ աղնւակա-  
նութիւնը, գիւղացիութիւնը և քաղաքի բնակչութիւնը  
իբրև առանձին-առանձին դասեր ընտրութիւն պիտի  
կատարեն և իրենց դասի յատուկ պատգամաւորները  
պիտի ունենան ժողովրդական ներկայացուցչութեան  
մէջ:

Ընտրութեան այս սխտեմն է եղել գերիշխող ան-  
ցեալում, այդ սխտեմը գոյութիւն ունի դեռ այժմ էլ  
մի քանի յետագէմ երկիրներում: Ամեն մի դաս միա-  
նալով խեղդում են երրորդի ձայնը:

Իսասային ներկայացուցչութիւն գոյութիւն ունէր  
միջնադարեան Յրանսիայում մինչև Մեծ Յեղափոխու-  
թիւնը. դրանից առաջ հրաւիրւած այսպէս կոչւած  
«երեսփոխանական ժողովը» (генеральные штаты) դա-  
սային բնաւորութիւն ունէր: Մինչև 1906 թ. Ֆինլան-  
դական սէյմն էլ դասային ներկայացուցչութիւն էր.  
աղնւականութիւնը, հողերականութիւնը, գիւղացիու-  
թիւնը և բուրժուազիան ուղարկում էին իրենց առան-  
ձին-առանձին ներկայացուցիչներին: Այժմ արդէն վե-  
րացել է այդ խայտառակ ընտրական սխտեմը և  
մտցրել է ընդհանուր ընտրական իրաւունք:

Իսասային ներկայացչութիւն է նաև անգլիական  
պարլամենտի վերին կամ «լորդերի» (աղնւականների)  
պարլամը:

Իսասային սխտեմով էին առաջնորդւում նաև Ռու-  
սաստանի զեմստւոնները: Զեմստւոյի համար իրաւա-  
տուներ ընտրւում էն խօշոր կալւածատէրերի (աղնւա-  
կանների) կողմից առանձին, գիւղացիների կողմից՝  
առանձին, իւրաքանչիւրը որոշ թւով: Մի վիճակագ-  
րութեան նայելով՝ 9523 զեմսկի ձայնաւորներից 5433  
հողի, այսինքն կէսից աւելին, աղնւականութեան ներ-  
կայացուցիչներ են եղել, այնինչ աղնւականները մի

քանի հարիւր անգամ աւելի քիչ են, քան գիւղացի-  
ները: Ռուսաստանի 34 զեմսկի նահանգներում աղնւ-  
ականների թիւը հասնում է 788 հազարի, իսկ գիւ-  
ղացիների թիւը՝ 59 միլիոնի:

3-րդ և 4-րդ Պետական Դումաններն էլ դասա-  
յին ներկայացուցչութիւն պէտք էր համարել, որ ա-  
ռաջ էր բերել 1907 թ. յունիսի 3-ի օրէնքը և աղնւա-  
կան խոշոր կալւածատէրերին գերակշռութիւն տւել  
ժողովրդական ներկայացուցչութեան մէջ: Այսպէս,  
մինչ 1905 թ. օրէնքի հետեանքով եւրոպական Ռու-  
սաստանի 50 նահանգներից կալւածատէրերը՝ տալիս  
էին 1959 պատւիրակներ ընդհանուր թւից, որ էր  
5999, այսինքն՝ 32%<sup>0</sup>, գիւղացիները—2502 պատ. կամ  
41%<sup>0</sup>, իսկ բանւորները 208 պ. կամ 3%<sup>0</sup>, պատկերը  
այլ էր՝ 1907 թ. յունիսի 3-ի օրէնքի հետեանքով.  
այսինքն՝ կալւածատէրերը պատւիրակների ընդհանուր  
5116 թւից տալիս էին 2620 հողի կամ 51%<sup>0</sup>, գիւղա-  
ցիները—32 և կամ 22%<sup>0</sup>, իսկ բանւորները 112 հ.  
կամ ընդամենը 2%<sup>0</sup>:

Իսասային ներկայացուցչութիւնից տուժում է աշ-  
խատաւոր ժողովուրդը. նրանից շահ ունեն միայն ազ-  
նւականները, որոնք համարում են իրենց «ազնիւ ա-  
րիւն» ունեցողներ, հայրենիքի իսկական պաշտպաններ.  
ու նրանք արդարացնում են այն հին Ֆրանսիական  
խօսքը, թէ «աղնւականութիւնը պիտի ծառայէ, հո-  
գեւորականութիւնը՝ աղօթէ, իսկ մնացած բոլոր դասերը  
պիտի հարկերը վճարեն»:

«Պէտք է վերացնել բոլոր դասային խտրութիւն-  
ները» պահանջում են իսկական ղեմակրատները. Բոլոր  
մարդիկ հաւասար են. ամեն մէկը պէտք է ձայն տայ  
իբրև քաղաքացի, ընտրութիւնը պիտի լինի ընդհա-  
նուր: Աւելորդ են այլևս դասերը, մանաւանդ որ նը-

րանք արդէն իսկ կորցրել են կամ կորցնելու վրայ են իրենց նախկին Ֆունկցիաները: Սոցիալ-տնտեսական կեանքի մէջ կատարած փոփոխութիւնները էապէս յեղաշրջել են դասերը:

Դասային ներկայացուցիչները այժմ հետզհետէ վերանում է: Նա դեռ պահւած է մի քանի երկիրների պարլամենտներում (օրինակ՝ Անգլիայի վերին կամ լորդերի պալատը): Ստորին պալատներում դասային սկզբունքը համարեա վերացած կարելի է համարել: Միայն գերմանական փոքրիկ Մեկլինբուրգ պետութիւնն է, որ ներկայումս էլ համարեա զուտ դասային ներկայացուցիչն ունի: Այդտեղ մօտ 1,000 ազնւական ընտանիք կայ, որոնք և ներկայացուցիչներ են տալիս երկրի պարլամենտի համար, սակայն ոչ ընտրութեամբ, այլ ծագման իրաւունքով. միայն 48 պատգամաւորներ կան, որ ընտրուում են քաղաքների կողմից, առանց սակայն որեւէ ազդեցութիւն ունենալու պատգամաւորական ժողովի վրայ:

Դասային ներկայացուցչութեանը մօտ է ցենզային ներկայացուցչութիւնը:

Այս դէպքում ընտրութիւններին գերիշխում են ոչ թէ արտօնեալ ազնւականները, այլ սրոջ ցինդ ունեցողները, — լինի կարողութեան ցինդ թէ մատուր ցինդ:

Կարողութեան ցինդի վրայ հիմնւած ընտրութիւնները արդարացնում են նրանով, թէ պետական կեանքի ղեկավարութեան գործում մասնակցութիւն ունենալ չեն կարող ընդհանրապէս բոլորը, այլ նայած թէ սով որ չափով հարկ է տալիս պետութեանը: Ուրեմն՝ ով աւելի հարկ է վճարում պետութեանը՝ աւելի էլ իրաւունք ունի. հարկ չվճարողները իրաւունք չտէտք է ունենան մասնակցելու ընտրութիւններին:

Այնպիսի մի լիբերալ և յայտնի տնտեսագէտ ու հասարակագէտ անձն, ինչպիսին էր անգլիացի Ջոն Ստիւարտ Միլը, նա ևս պաշտպանում էր ցենզային ներկայացուցչութիւնը, ասելով «Կարեւոր է, որ (պարլամենտում) հարկերի համար ձայն տուող ներկայացուցիչները ընտրւեն բացառապէս նրանցից, որոնք վճարում են այդ հարկերի մի մասը»:

Նախ՝ այդպէս դատող պարոնները մոռանում են, որ չկայ և ոչ մի քաղաքացի, որ հարկ չվճարէ: Բուրժուազիայի իդէոլոգներին ձեռնառու է հարկ անւանել միմիայն «ուղղակի» կոչւած հարկերը: Հասարակայնութիւնը և բազմատեսակ «անուղղակի» հարկերը սրոնց տակ ամենից շատ հեծում են ժողովրդի աշխատուոր գասերը, իրաւագուրկ խաւերը:

Միթէ բանւոր և գիւղացին, որոնք յաճախ զրրկւում են ընտրութիւններին մասնակցելուց կամ շատ աննշան տեղ է տրուում նրանց ձայնին, միթէ նրանք հարկ չեն վճարում:

Ո՞վ չգիտէ, որ ապրուստի անհրաժեշտ միջոցները, ինչպիսիք են թէյը, շաքարը, լուցկին, նաւթը, ծխախոտը և այլն, պետութեան կողմից ենթակայ են ամենախիստ հարկատուութեան: Իսկ ո՞վ է աւելի գործածում, այդ, համեմատաբար անհրաժեշտ պիտոյքները. — աշխատաւորները: Նրանք ապրանք առնելու ժամանակ հէնց վճարում են պետութեանը հարկ: Բոլոր անուղղակի հարկերից պետութիւնների եկամուտների կէսից աւելին տալիս են աշխատաւորները՝ անուղղակի հարկերի միջոցով:

Իսկ այդչափ հարկ վճարող աշխատաւորներին իրաւագուրկ են անում: Իրաւոկրատները և կապիտալիստները սահմանում են այնպիսի օրէնքներ, որոնց համաձայն ընտրութեանը մասնակցելու իրաւունք ու-

ներն միայն այն մարդիկ, որոնք առնուազն որոշած չափով ուղղակի հարկ են վճարում:

Յենդային ներկայացուցչութեան մի խայտառակ օրինակ է ներկայացնում պրուսական լանդտագը: Պրուսիայում, 1848-ի յեղափոխութեան շնորհիւ, ընդունեց ընտրական իրաւունքը: Սակայն յեղափոխութիւնից յետոյ եկած ունեցիլայի շնորհիւ de jure ընդհանուր ընտրական իրաւունքը de facto միանգամայն սահմանափակեց և աղճատեց: Էլ համարձակութիւն չունեցաւ պրուսական բիւրոկրատիան ջնջել ընդհանուր ընտրական իրաւունքը, այլ յղացաւ մի հրէշուոր միտք, որն և թագցրեց «gleiche Pflichten, gleiche Rechten» (հաւասար պարտականութիւններ, — հաւասար իրաւունքներ) նշանաբանի տակ:

Պրուսական լանդտագի ընտրութիւնները կառարւում են այսպէս կոչւած Dreiklassensystem-ով, այսինքն՝ Պրուսիայի ամբողջ ազգաբնակչութիւնը ըստ կարողութեան բաժանուում է երեք զասակարգի: Ամեն մի ընտրական շրջան էլ ըստ այնմ բաժանուում է երեք կարգի:

Առաջին կարգի մէջ մտնում են ամենահարուստները, սրոնք ամենից շատ են վճարում ուղղակի հարկեր. երկրորդ կարգի մէջ մտնում են սովորական հարուստները, որոնք վճարում են միջակ չափով ուղղակի հարկեր. և երրորդ կարգի մէջ մտնում են նրանք, որոնք քիչ ուղղակի հարկ են վճարում, և կամ չքաւութեան պատճառով, բնաւ հարկ չեն վճարում:

Այս դեռ բաւական չէ: Այդ երեք կարգերից իւրաքանչիւրի վրայ գալիս են հաւասար չափով ուղղակի հարկեր: Ասենք մի ընտրական շրջան պէտք է վճարէ 3000 բուրլի ուղղակի հարկ. այդ շրջանի ամեն մի կարգը պիտի վճարէ 1000-ական բուրլի: Հետեանքը

անա թէ ինչ է լինում: 1893-ի ընտրութիւնների ժամանակ Բերլինում կային 18 ընտրողական շրջաններ, որոնցում առաջին կարգի մէջ մտնում էին միայն մէկ-մէկ ընտրողներ, և 78 ընտրական շրջաններ, որոնցում երկ-երկու ընտրող էր մտնում երկրորդ կարգի մէջ. իսկ Թագած ամբողջ ազգաբնակչութիւնը մասնակցում էր երրորդ կարգի մէջ: Նոյն թւի ընտրութիւնները ցոյց տւին, որ Պրուսիայի իւրաքանչիւր 100 ընտրողից միջին թւով առաջին կարգում մասնակցում էին 3 հոգի, երկրորդում՝ 12 հոգի, իսկ երրորդում՝ 85 հոգի: Ու ամենից աւելի խայտառակն այն է, որ ամեն մի կարգ օգտուում է հաւասար իրաւունքով ( $\frac{1}{3}$ ). ուրիշ խօսքով՝ վերոյիշեալ փաստը օրինակ բերելով՝ առաջին կարգի 3 հոգին ունեն նոյն իրաւունքը, ինչ երկրորդ կարգերի 12-ը կամ երրորդի 85-ը: Սովորաբար առաջին և երկրորդ կարգի ընտրող տուգերը միանալով տապալում են երրորդ կարգի ձայնը:

Թէ որչափ անհեթեթ է ընտրական այս կարգը, որ նոյնիսկ Բիսմարկի նման մի բիւրոկրատ ասել է. «Պրուսականից էլ աւելի անմիտ և ողորմելի ընտրական օրէնք չէ մուծւել և ոչ մի ուրիշ տէրութեան մէջ»:

Ազգացոյց. «Բերլինի այն ընտրական շրջանում, ուր բնակուում են մինիստրներ, երրորդ՝ ամենացածր, կարգի ընտրողների թւում էր գտնուում նաև նախկին պետական կանցլեր Բիւլովը՝ ուրիշ մինիստրների հետ միասին. սրանք բոլոր իրենց շէյքարների և լակէյնների հետ հաւասարապէս ընտրում են երրորդ կարգում: Իսկ նրանց հարևան ընտրական շրջանի 1-ին կարգում մասնակցում էին ընդամենը երկու հոգի— Berliner Tageblatt-ի հրատարակիչը և բանկիր Բլէյխերգերը: Մինիստրական ընտրական շրջանից ոչ հետու գտնուող թագում էլ 1-ին կարգի միակ ընտրողն էր պալատա-

կան մտադործ ֆեֆտեր, սա հետեապէս, իւր հաստութեամբ ջախջախում էր միւս երկու կարգերի հարբաւուր ընտրողներին:

Առաջ Պրուսիայի սոցիալ-դեմոկրատները բոլորու էին արել պրուսական այդպիսի խայտառակ ընտրական սիստեմի վրայ հիմնուած լանդտագին: Պատճառը պարզ էր. այն Պրուսիայում, ուր ընդհանուր դերմանական ընտրութիւններից մէկի ժամանակ ապրիտագրի համար ձայն էին տւել 1,600,000 սոցիալ-դեմոկրատներ, լանդտագի ընտրութիւններին այդքան ընտրագրների ձայնը ոչնչանում էր շնորհիւ «երեքդասեան ընտրական սիստեմի»: դուրս էր գալիս որ 1,600,000=0:

Կարողութեան ցենզ ընտրութեան համար, աւելի կայ պակաս չափով, գոյութիւն ունի նաև ևւրոպական ուրիշ երկիրներում: Անգլիայում, օրինակ, պարբայմենտական ընտրութիւններին (համայնքների պալատի համար) մասնակցելու իրաւունք ունեն նրանք, որոնք ունեն՝ կամ կապալով են վերցրել անշարժ սեփականութիւն կամ գոնէ բնակարանի վարձ են տալիս տարեկան առնւազն 100 րուբլի:

Հետեանքը այն է լինում, որ միլիոնաւոր չափահաս քաղաքացիներ—սեփական բնակարան չունեցող, այլ օր. ծնողների մօտ ապրողներ, չքաւոր բանւաբաններ, կահաւորած սենեակներում ապրողներ, և այլն պղծում են ձայնաւուրթեան իրաւունքից:

Այսպիսի ցենզային սահմանափակումների հետեւանքով օրինակ 1898-ին Անգլիայում չափահաս ընտրողների թիւը հասնում էր միայն 6<sup>1</sup>/<sub>2</sub> միլիոնի, այն ինչ նոյն թւին Ֆրանսիայում (մօտաւորապէս նոյն չափ ազգաբնակութեամբ) ընտրողների թիւը 10<sup>1</sup>/<sub>2</sub> միլիոնի էր հասնում:

Եւրոպայում ընտրական իրաւունք ունեն միայն

նրանք, որոնք տէր են առնւազն 6,000 քրոն արժէք ունեցող անշարժ կայքի կամ այնպիսի կարողութեան, որ բերում է տարեկան առնւազն 800 քրոն եկամուտ:

Եւրոպական ուրիշ երկիրներում և՛ Քելզիայում, Ռումինիայում, Սերբիայում, Հոլլանդիայում, Ունգարիայում, ընտրողներից պահանջւում է աւելի կամ պակաս չափով կարողութեան ցենզ: Նոյնպիսի ցենզ էր պահանջւում յեղափոխութիւնից առաջ նաև Ռուսաստանում՝ Պետական Իւււմայի, զեմսաւոյական և քաղաքային ինքնավարութեան ընտրութիւններին մասնակցողներից:

Ակներև բան է, թէ որչափ անմիտ և անարդար բան է ընտրութիւններին պահանջել կարողութեան ցենզ: Հայրենիքին և ազգին ծառայում են ամենքը անխտիր,—իրաւազուրկները և՛ս առաւել: Պատերազմի ժամանակ ցենզ չեն պահանջւում, աշխատաւոր գիւղացուն և բանւորին կուի դաշտ են ուղարկում, իսկ ընտրութիւններին նրանց զրկում են ձայնից:

Կարողութեան ցենզին նման է, կամ, աւելի ճիշտ. սաստ, նրա միւս կողմն է կրքական ցենզը:

Կան երկիրներ, (օրինակ մի քանի ամերիկական շտատներում) ուր ընտրութիւններին մասնակցելու համար կրթական ցենզ է պահանջւում: Այսպէս Իտալիայում մինչև 1912 թ. պահանջւում էր առնւազն տարրական դպրոցի աւարտման վկայական:

Ասում են՝ պետական գործերը այնքան բարդ են և դժւարեմբռնելի, որ ամեն ոք չի կարող հասկանալ նրանց նշանակութիւնը, և անկիրթ մարդը կարեւոր գիտակցութեամբ չի մասնակցի ընտրութիւններին: Վերոյիշեալ Միլլը, որ պաշտպանում է կարողութեան ցենզը, պաշտպանում է նաև կրթական ցենզը: Նա ասում է. «Են չեմ կարող թոյլ տալ որ թւաբանու-

թեան օրէնքները չիմացող և անգրագէտ մարդը մասնակցէ ընտրութիւններին»։ Մեղալի մի երեսը կարողութեան ցենզն է, իսկ միւս երեսը՝ կրթական ցենզը։ Ուր յայտնի չէ, որ, գոնէ սովորաբար, կարողութիւն ունեցող մարդիկ կամ նրանց զաւակները աւելի հարաւորութիւն ունեն կրթութիւն ձեռք բերելու։ Երբ մի երկրում համալսարանականին աւելի իրաւունք է տրւում ընտրութիւններին, այդ նշանակում է, թէ հարուստի է առաւելութիւն տրւում։

Սխալ է կարծել, թէ տգէտ գիւղացուն նախ պիտի կրթել, ապա նրան ընտրողական իրաւունք տալ։ Այդ է եզել բոլոր տեղերի և բոլոր ժամանակների յետագէմ հայեացքների տրամաբանութիւնը։

Եթէ անգրագէտ աշխատաւորները սպասեն, մինչև որ «տէրերը» կրթեն նրանց, շատ ժամանակ կանցնի։ Իսկ այդ տէրերը շահ չունեն իրենց շահագործման ենթակայ աշխատաւորների միտքը բանալու։

Ստրուկների ազատութեան ժամանակ էլ Ամերիկայում նրանց «տէրերը» նոյնն էին ասում թէ նախ հարկաւոր է զարգացնել ստրուկներին, ապա ազատել նրանց. այժմեան ստրուկները չեն կարող օգտուել ազատութեան բարիքներից։ Տէրերին որ մնար՝ նրանք ոչ «նախ» կզարգացնէին իրենց ստրուկներին և ոչ էլ «ապա» ազատութիւն կտային նրանց։ Ռուսաստանի ճորտերը ազատելով՝ կարողացան ապրել առանց իրենց «հայրախնամ» տէրերի հսկողութեան։ Այժմ էլ քաղաքական ազատութիւն ձեռք բերած «տգէտ ժողովուրդը» կարողանում է օգտուել իր իրաւունքից։

Հարկաւոր է նաև մատնանիշ անել այն հանգամանքի վրայ, որ նոյն տգէտ գիւղացիները արդէն իսկ մասնակցելով գիւղական, համայնական և պետական ընտրութիւններին՝ կարողանում են օգտուել իրենց

իրաւունքից։ Գիւղացին լաւ է իմանում պաշտպանել իւր շահերը։

Վերջապէս, եթէ տգէտ մասսաները չունենան պարլամենտում իրենց ներկայացուցիչները, հապա սով պիտի պաշտպանէ այնտեղ նրանց անտեսական և կուլտուրական շահերը. սով պէտք է ազատէ գիւղացուն հարկերի ծանրութիւնից և մոռայ խաւարից. սով պիտի աշխատէ տարածել երկրում ընդհանուր պարտադիր ուսում, որ էլ անգրագէտ չմնայ, որին ընտրական իրաւունքից զրկելու մասին մտածեն արտօնեալները։

Կրթական ցենզն էլ ուրեմն մի սահմանափակումն է ընդհանուր ընտրական իրաւունքի մէջ և պէտք է վերացնել այն՝ ուր նա գեռ գոյութիւն ունի\*):

Մի ուրիշ տեսակ ցենզ էլ այն է, որ եւրոպական շատ երկիրներում ընտրողից պահանջուած է, որ նա մի որո՞ ժամանակ ապրած լինի իւր ընտրական շրջանում (նստակեցութեան ցենզ)։ Ֆրանսիայում պահանջուած է 6 ամիս, Անգլիայում՝ 1 տարի, Շեչչցարիայում՝ 3 ամիս, ուրիշ տեղեր՝ 1—2—3 տարի։

Այս անմիտ սահմանափակումն էլ պատճառաբանուած է նրանով, թէ մարդ մի առժամանակ ապրած լինելով իւր ընտրական շրջանում՝ կարող է ծանօթ լինել տեղի պայմաններին և գիտակցաբար ընտրել։

Ի՞նչ է այդ սահմանափակումը, եթէ ոչ ցենզային արտօնութեան մի ուրիշ կողմը։ Յիրաւի։ Ո՞վ է ստիպւած լինում յաճախ թողնել իւր տունն ու տեղը և ուրիշ վայրեր երթալ՝ աշխատանք որոնելու, եթէ ոչ աշխատաւորը։ Մանաւանդ ներկայ ժամանակում,

\*) Իտալիայում 1900 թ. ընտրութեան ժամանակ ընտրական յանձնաժողովը աշխարհահռչակ զբոց Ամիչիսի անունը ընտրական ցուցակի մէջ չմուծեց նրա համար, որ նա չէր ներկայացրել իր դպրոցական վկայականը։

անտեսական զարգացման շնորհիւ, գերեզրից և փոքր քաղաքներից ահագին թուով աշխատաւոր ձեռքեր են դիմում դէպի քաղաքները՝ հացի կտոր վաստակելու նպատակով. մի համայնքից միւս, շատ անգամ մեծ քաղաքի մի թաղից միւսը տեղափոխուելով՝ նրանք չեն ունենում հաստատուն բնակավայր. էլ չեն ասում այն մշտական շրջմովիներին, (Sachseingänger), որոնք բախտից հալածւած ամբողջ կեանքում մի տեղից միւսն են շրջում:

Ո՛րչափ շատ է այն բանւորների թիւը\*), որոնք մեր ժամանակի արդիւնագործական կենդաններում պատահմամբ միայն ընկել են աշխատանք գտնելու. ահադին թիւ են կազմում նաև այն բանւորները, որոնք աշխատում են երկաթուղիների, նաւերի և ուրիշ տեսակ փոխադրական գործերում: Յիշած սահմանափակման շնորհիւ այս կատեգորիայի բոլոր աշխատաւորները զրկւում են ձայն տալու իրաւունքից, քանի որ նրանք երբէք երկար ժամանակով մի տեղ չեն բնակւում:

Ուրեմն այս ցենզն էլ ուղղւած է դարձեալ ժողովրդի աշխատաւոր, չքաւոր խաւերի դէմ. նա ևս հանդիսանում է մի տեսակ կարողութեան ցենզ:

Բոլորովին աւելորդ է այդ ցենզը: Թէ մտաբ. սրտեղ է ապրում—գիւղում թէ քաղաքում, մի ժամանակ մի տեղ, յետոյ ուրիշ տեղ,—այդ բոլորովին չի խանգարում, որ նա իրաւունք ունենայ ընտրութիւններին մասնակցելու: Ընտրողը շատ լաւ գիտէ, թէ ով է ժողովրդի ճշմարիտ բարեկամը, հետևապէս՝ թէ ով է պիտի ձայն տալ. չէ՞ որ նա անդամ է որոշ կուսակցութեան, որի թեկնածուների անուններն իմանալուց

\*) Այդպիսիների թիւը Լոնդոնում հաշւում են մօտ 2 մլն.

հեշտ բան չկայ: Վերջապէս, ինչն ալ պէտք է այդ ցենզը հնարել հէնց այն դէպքում, երբ միլիոնաւոր աշխատաւոր մարդկանց իրաւունքից զրկել հարկաւոր է: Հապա երբ հարկաւոր է հարկ առնել աշխատաւորներէ՞ միթէ, նրանք խաթր կանեն և նրանցից հարկ չեն առնի մինչև «որոշ» ժամանակ: Դեռ աւելին: Երբ հարկաւոր է պաշտպանել հայրենիքը, որի անունով ճառագւում են միշտ արածոնեալները, միթէ զինւոր չեն կանչի աշխատաւորներին. մինչև որ նրանք «որոշ» ժամանակ մի համայնքում հաստատուն բնակութիւն ունեցած չլինեն:

Չէ. կեզ՞ ու նենգապատիր միջոց է այդ ցենզը՝ ուղղւած միլիոնաւոր աշխատաւորների դէմ. հարկաւոր է վերջ տալ ստորացման այդ մնացորդներին:

Յենգային սահմանափակման միջոցներից օգտւողներ այն է, որ հասարակական միջոցներից օգտւողներ զրկւում են ընտրական իրաւունքից (Անգլիա, Գերմանիա, Ֆրանսիա): Դրանց մեծագոյն մասը կազմում են աշխատողուրկ ինւալիդ կամ ծերացած բանւորներ: Այս դէպքում էլ իրաւազուրկ են դառնում աշխատաւորները:

Այս իրաւազրկութեան սկզբունքը գտնում է իւր պաշտպանները. «Նա, որ չէ կարող սեփական աշխատանքով գոյութիւն պահպանել, այդպիսին իրաւունք չունի ուրիշի փողերը յօգուտ իւր կարգադրել» (Ջոն Ստ. Միլլ):

Բուրժուական իդէօլոգները մոռանում են միշտ, որ աշխատելու հնարաւորութիւն չունեցող ապարհիտները գոհ են միայն բուրժուական կարգերի, որ նրանց աշխատանքի ոյժը հարստահարել-ցամաքացրել են այժմ նրանց իրաւազուրկ անող տէրերը: Կարծէք իրանց անձնական գծրախտութիւնը հերիք չէ, կամե-

նում են հասարակական գործերին մասնակցելուց էլ  
զրկել:

Անտեղի չի լինիլ ցոյց ապու համար Միւր  
նման դատողների կարծիքի անհեթեթութիւնը, առաջ  
բերել հետեւեալ կուրեօղը, որ պատմում է յայտնի էր-  
լանդացի Օ'Կաննի: Մի իրլանդացի—ասում է նա,— մի  
էշ ունէր, որով նա իւր օրական պարէնն էր հայթայ-  
թում. բայց տես, որ էշը սատկեց, և իրլանդացին  
մնաց պարապ ու ստիպւած եղաւ հասարակական օդ-  
նութեան զիմել, որի շնորհիւ էլ նա զրկեց ընտրական  
իրաւունքից: Օ'Կաննելը հարցնում է. այս զէպքում ո՞վ  
ունէր ընտրական իրաւունք,— մօրդը, թէ էշը:

Ընտրական իրաւունքից զրկում են բոլոր եր-  
կիրները զինւորականները: Այս հանգամանքը պատճա-  
ռաբանում է նրանով, թէ զօրքը բոլորովին առանձ-  
նացած մի կաստա է, իր սեփական զիսցիպլինով և  
կանոններով, նա պէտք է հեռու պահէ իրեն կուսակ-  
ցութիւններից, այլապէս կարող է հեշտութեամբ կորց-  
նել կարգապահութիւնը և խռովութիւնների անգիր  
տալ: Ասում են նաև, թէ զինւորները ըստ մեծի մա-  
սին կզաննան սոսկ գործիք իրենց հրամանատարների  
ձեռքին, սրանց ցանկացած մարդուն էլ ձայն կտան:  
Հասարակապետական-դեմոկրատական երկիրներում  
բացի այդ երկրից են կրում, թէ մի գուցէ մի անւա-  
նի զենեբալ փառաւիրութեամբ զօրքը իւր կողմը  
քաշէ և նորից ստեղծէ ցարիզմ:

Հէնց այն հանգամանքը, որ կառավարութիւն-  
ներն են արգելում զինւորներին մասնակցել ընտրու-  
թիւններին, հէնց այդ բանը պէտք է մեր մէջ կասկած  
զարթեցնէ արգելման շարժառիթների վերաբերմամբ:

Զպէտք է բնաւ հաւատալ, թէ կառավարութիւնը  
իւր զօրքով սեղում է «բարձր մնալ կուսակցութիւննե-

րից»: Իրողութիւնն այն է, որ վախենում է զինւորա-  
կանների մասնակցութիւնից ընտրութիւններին: Ընտ-  
րութիւնները լաւագոյն դպրոց են քաղաքական հա-  
տունութիւն ձեռք բերելու համար: Վերջ ի վերջոյ  
զօրքը այդ ճանապարհով ձեռք կ'ընեն զիտակցութիւն,  
նա կճանաչէ իր ճշմարիտ բարեկամին ու թշնամուն  
և ըստ այնմ էլ զիրք կ'ընէ, մանաւանդ որ զօրքի  
մեծագոյն մասը աշխատաւոր, ճնշւած տարրերից է:  
Ներկայումս Ռուսաստանում, շնորհիւ Յեղափոխութեան  
զինւորները վայելում են ընտրական իրաւունքը:

Այս չարիքի առաջն առնելու համար բոլոր եր-  
կիրների սոցիալիստական կուսակցութիւնները ցոյց  
են տալիս մի արմատական միջոց,— վերացնելու մըշ-  
տական զօրքը և մտցնել միլիցիա. զբանով էլ վերջ  
տրւած կըլինէր յիշեալ սահմանափակմանը:

Նաև պետութեան պատգոնները (չինոյսիկները)  
սահմանադրական երկիրներում զրկում են պատիւ—  
և ոչ ախտիւ— ընտրական իրաւունքից: Այս էլ կատար-  
ւում է երկու կերպ: Մի քանի երկիրներում իսպառ-  
արգելում է ընտրել չինոյսիկներին իբրև ժողովրդա-  
կան ներկայացուցիչ. ուրիշ երկիրներում այդ թոյլա-  
տըրւում է, սակայն միայն այն պայմանով, որ ընտր-  
ւածը, եթէ համաձայն է լինել ժողովրդական ներկա-  
յացուցիչ, պիտի հրաժարուի իր նախկին պաշտօնից:

Չինոյսիկներին պատիւ ընտրողական իրաւուն-  
քից զրկելը պատճառաբանում է երկու կերպ: Առա-  
ջին՝ ասում են, թէ պաշտօնեաների մասնակցելը ա-  
ռաջ կ'ընեն զիսցիպլինայի խանգարում. անյարմար  
բան է միանգամայն, որ ստորադրեալ չինոյսիկը  
հանդէս գայ պարլամենտում և իրեն ստորադրող մի-  
նիստրների կամ ուրիշ պետական մարդկանց հետ քա-  
ղաքական պայքարի մէջ մտնի, քննադատէ վերջին-

ների առաջարկած օրինագծերը: Աւելի կարևոր պատճառաբանութիւնն այն է, թէ օրէնսդիր, դատական և գործադիր մարմինները աւտօնօմ պիտի լինեն, հետևապէս՝ չինոյնիկները, գործադիր մարմնի անգամները, չեն կարող մասնակցել օրէնսդիր ժողովում:

Առաջին պատճառաբանութեամբ կառավարութիւնն է արգելք հանդիսացող, երկրորդ պատճառաբանութիւնը՝ երրեմն ժողովրդական ներկայացուցիչներն են ասում, — օրինակ Անգլիայում. օրէնսդիր մարմինը կամենում են ազատ պահել արքայական ոտընձը պութիւններից՝ նրա գործիք չինոյնիկութեան միջոցով:

Իսկական ոսովկար պետութեան հոգսերից մէկը պիտի լինի նաև այդ արգելքի առաջն առնելը: Այդ սահմանափակումն ևս այժմ Ռուսաստանում վերացւած է:

Ինչպէս զօրքը, այնպէս էլ չինոյնիկութիւնը պէտք է գլխովին վերափոխել, նրանց մօտեցնել հասարակութեան միւս խաւերին, ոչնչացնել կաստայական շահերը և կարգերը:

Ընդհանուր ընտրական իրաւունքի դէմ գնալ կը նշանակի նաև՝ այլացել ևս այլակրօն տարրերին զրկել ձայն տալու իրաւունքից: Շատ երկիրներում մանաւանդ Ռուսաստանում՝ ապրում են բազմացել ժողովուրդներ իրենց յատուկ կրօններով:

Ռուսաստանում Յեղափոխութիւնից առաջ շատ հարածւած էին փոքր ազգերը. օրինակ հրէաներին ոչ միայն զրկում էին քաղաքական-հասարակական գործերին մասնակցելու իրաւունքից, այլ և մինչև իսկ արգելում էին որոշ սահմաններից դուրս ապրելը: Զրկանքի և հարածանքի ենթակայ էին նմանապէս ուրիշ ժողովուրդներ, նոյն իսկ սչ-պրաւօսլաւ ուսմաները (սեկ-

տանաները և այլն): Դուխօրների և ուրիշ ազանդաւորների կրած հալածանքները Ռուսաստանում՝ ամենքին յայտնի են:

Այդ հալածանքի մի տեսակն էր նաև այն, որ փոքր ազգերի ընտրական իրաւունք գոյութիւն չունէր բոլորովին և կամ շատ սահմանափակւած էր: Հայերս, օրինակ, մեր թւին նայելով՝ իրաւունք պիտի ունենայինք Պետական Դումա ուղարկելու 8—9 պատգամաւոր, այն ինչ մեղ մէկ տեղ էր տւած այնտեղ:

Այս բոլորի անարգար լինելը ակնյայտ է: Ամենքն էլ պետութեան քաղաքացիներ են, ամենքն էլ հարկ են վճարում, զինուոր են տալիս, հետևապէս ամենքն էլ պէտք է օժտւած լինեն համահաւասար իրաւունքներով: Զպէտք է մոռանալ նաև այն, որ այդ այլացել ժողովուրդներից շատերը անցեալում ունեցել են իրենց սեփական պետութիւնը, եղել են անկախ և ազատ տէրեր իրենց երկրի. միայն ժամանակի ընթացքում նրանց հայրենիքը զրաւել և Ռուսաստանի մաս է դարձել. կենշանակէ նրանք բարոյական և պատմական իրաւունք ևս վայելում են պետական գործերին մասնակցելու:

Բացի յիշած բոլոր սահմանափակումներից պիտի յիշել նաև կախանց ընտրական իրաւունքից զրկելը: Մարդկութեան ամբողջ կէսը զրկել իրաւունքից և այդպիսով խոչընդոտ հանդիսանալ հասարակական յտառաւախութեան՝ դրանից աւելի երկինք ազազակոյ անարգարութիւն և բռնութիւն չկայ:

Կանանց ընտրական իրաւունք տալուն դէմ եզոյները այդ բանը փաստաբանում են նրանով, թէ կինը անընդունակ է պետական հասարակական գործերին մասնակցելու. ասում են, թէ «բնական» է կնոջ համար մնալ տանը, զբաղւել միայն ընտանեկան գործե-

րով, անային անտեսութեամբ: «Տղամարդը պատկանում է հասարակութեանը, իսկ կինը՝ ընտանիքին», ասում Գ. Մայէր\*): Ասում են՝ եթէ կինը մասնակցէ քաղաքական գործերին, նա կը զրկւի կանացի, իր սեռին յատուկ, քնքշութիւնից: Վերջապէս ասում են, թէ կանայք աւելի պահպանողական են, աւելի ենթակայ կղերի ազդեցութեանը, հետեապէս, եթէ նրանց իրաւունք արւի ընտրելու և ընտրելու, այն ժամանակ նրանք աւելի յետադէմ տարերին կաշակցեն: Այս է շատ, երբեմն մինչև իսկ ձախակողմեան «քաղաքագէտների» վերջին փաստարանութիւնը:

Այսպէս, Անգլիայում կանանց ընտրական իրաւունքի դէմ են եղել, երկար ժամանակ, ազատամիտները: Ֆրանսիայում ևս յաճախ շատ արմատականներ և սոցիալիստներ կանանց ընտրական իրաւունքին դէմ են արտայայտել: Նոյն պատճառարանութեամբ էր, որ 19-րդ դարի վերջին Բելգիայում երբ կղերական կառավարութիւնը կանանց ուզում էր ընտրական իրաւունք տալ, սոցեալ-դեմոկրատ կուսակցութիւնը վճռապէս դէմ գնաց դրան: Յետոյ նա փոշմանեց այդ սխալ քայլի համար, բայց արդէն ուշ էր:

Սակայն յիշեալ բոլոր պատճառարանութիւններից և ոչ մէկը չէ դիմանում թոյլ քննադատութեան անգամ:

Ո՞վ ասաց, թէ կանայք անընդունակ են. միթէ քիչ են՝ եղել և քիչ կան յայտնի հասարակական կին գործիչներ. եթէ, տղամարդկանց հետ համեմատած, նրանք չեն տւել յայտնի քաղաքական տաղանդներ, միակ պատճառն այն է, որ նրանք իրաւագործի են եղած, հնարաւորութիւն չեն ունեցել զարգացնելու

\*) Ընտրական իրաւունք, էր. 445.

իրենց մտաւոր ոյժերը: Միթէ քիչ է այժմ այն կանանց թիւը, որոնք աւարտել են միջնակարգ և բարձրագոյն դպրոցներ, պարագում են բժշկութեամբ, ուսուցչութեամբ, առևտրական և ուրիշ գործերով, ուր ցոյց են տալիս տղամարդուց ոչ պակաս արդիւնք: Քիչ է այն կանանց թիւը, որոնք գործարաններում, արհեստանոցներում և ուրիշ աշխատավայրերում օրն ի րուն քրտինք են թափում և իրենց օրւայ պարէնը հայթայթում: Ո՞ւր են այդ դէպքում այն կեղծաւոր փարիսեղիները, որոնք «անբնական» են համարում կնոջ համար տանից դուրս զբաղւելը, որոնք ասում են «կինը պատկանում է ընտանիքին»: Ինչո՞ւ կապիտալիստ վաշխատուները կանանց ամուսիններին այնքան վարձ չեն տալիս, որ նրանք կարողանան ընտանիք պահել և իրենց կնոջ համար անային աշխատանքներ թողնել:

Մեզ չէ հետաքրքրում նաև այն, թէ արդեօք կանայք աւելի պահպանողական են թէ ազատամիտ. կընոջ մէջ մենք ուզում ենք յարդել մարդուն և ոչ այս կամ այն քաղաքական համոզմունքը: Այդպէս որ լինէր՝ դէ ամենից առաջ ձայնի իրաւունքից պէտք էր զրկել այն յետադէմներին, որոնք կանանց ձայնի իրաւունքից զրկելն են փաստարանում:

Սխալ է ասել, թէ կինը չէ կարող յառաջադէմ քաղաքական — հասարակական գործիչ լինել: Անցեալը և ներկան հակառակն են ցոյց տալիս: Ո՞ւմ յայտնի չեն Բրեշկօ-Բրեշկովսկայայի, Մարիա Սպիրիդոնովնայի և նման հերոս կանայք, որոնք ամբողջ հոգով տոգորւած են ծառայելու իրենց ժողովրդին՝ քաղաքական — հասարակական ասպարիզում:

Անարդարութիւն է մի համալսարանական, կըրթւած կնոջ զրկել ընտրական իրաւունքից հէնց նրա

համար, որ կին է, իսկ այդ կնոջ տղամարդ ծառային, որ թէկուզ անգրագէտ է, տալ ձայնի իրաւունք, որովհետեւ տղամարդ է:

Անարդարութիւն չէ՞ աչքաթող չանել կանանց, երբ հարկաւոր է նրանցից հարկ վերցնել, երբ հարկաւոր է շահագործել նրանց էժան աշխատանքը, և աչքաթող անել նրանց՝ երբ հարկաւոր է նրանց ձայնից զրկել: Ո՞վ պէտք է հապա ժողովրդական Երկաշացուցչութեան մէջ պաշտպան է նրանց, իրաւագուրդների, շահերը: Ինչո՞ւ ամեն մի դասակարգ կարող է ունենալ իր ներկայացուցիչները պարլամենտում, իսկ կանայք՝ ոչ:

Չպէտք է մոռանալ այն հանգամանքը, որ օրէնսդրական շատ ակտեր վերաբերում են մասնաւորապէս կանանց, որոնք և, ուրեմն աւելի օգտակար կլինեն նրանց մշակելու խնդրում: Իրանք են ամուսնութեան, երեխաների պաշտպանութեան, դատարարակութեան և այլ ինքիւրներ:

Վերջապէս ո՞վ իրաւունք տւեց տղամարդկանց՝ կանանց վերաբերմամբ զրկողի և դատաւորի դերը ստանձնել. ինչ իրաւունքով տղամարդն անում է այդ հապա եթէ կինը այդպէս վարւելու լինէր տղամարդու վերաբերմամբ. ինչո՞ւ մարդկութեան ամբողջ կէսը մասնել անգործութեան:

Մեր ժամանակի ամենաթանգազին սեփականութիւններից մէկը մարդու ազատութիւնն է: Թույլ տւեք նրան, տղամարդ է նա թէ կին, այդ միեւնոյնն է, որ զարգացնէ, լարէ իր ոյժերը հասարակութեան ծառայելու համար: Կեանքը, գործը ցոյց կտայ հետեանքը. անկարողները յետ կմնան անխտիր, տղամարդ լինեն, թէ կին:

Կանանց ազատագրութեան հարցը իր պատկասե-

լի անցեալը ունի: Այժմ լուսաւոր երկիրներում անդուլ կռիւ է մղւում այդ արդար դատի համար: Մինչև որ կինը չստանայ քաղաքական իրաւունքներ՝ նա չի կարող իրեն վերջնականապէս ազատագրել ստրկացման միւս մնացորդներից: Եւ մենք տեսնում ենք, որ այդ դատը տանում է կամաց-կամաց իր յաղթանակը: Հիւսիսային Ամերիկայի Միացեալ-Նահանգների մի քանի շտատներում, Աւստրալիայում և Նոր Զելանդիայում կանայք դեռ 19-րդ դարի վերջին ձեռք են բերել ընտրական իրաւունք:

Համեմատաբար աւելի ուշ, մեր օրերում, կանանց ընտրական իրաւունքը սկսեց յաղթանակներ տանել նաև Եւրոպայում: Առաջին երկիրը, որ գեղեցիկ օրինակը տւաւ մեծ պետութիւններին, դա փոքրիկ Ֆինլանդիան էր: 1906 թւականից սկսած Ֆինլանդիայի կանայք իրենց պարլամենտի (սէյմի) ընտրութիւններին մասնակցում են ոչ միայն իրբն ընտրող, այլև իրբն ընտրւող: Մէյմի 200 անդամների թւում 15—20 հոգի սովորաբար լինում են կանայք: 1907 թ.-ից սկսած կանայք ընտրական իրաւունք են վայելում Նարվիգիայում: Համաշխարհային պատերազմի միջոցին (1915 թ.) կանայք ընտրական իրաւունք ձեռք բերին Իսվիայում: Ռուսաստանի Մեծ Յեղափոխութիւնը (1917 թ.) ուրիշ ազատութիւնների հետ միասին կանանց ևս ընտրական իրաւունք շնորհեց: Կանայք այժմ մասնակցում են քաղաքային ընտրութիւններին, մասնակցելու են նաև Սահմանադիր ժողովի ընտրութիւններին: Վերջապէս՝ Նէնց վերջերս (10 յունիսի 1917 թ.) հեռագիրը լուր բերեց, որ Անգլիայում ևս պարլամենտը ընդունել է կանանց ընտրական իրաւունք տալու օրինագիծը:

Ամեն տեղ փորձը ցոյց է տւել, որ ուր էլ որ

ընդունուած է կանանց ընտրական իրաւունքը, հետեանք-  
ները եղել են բարերար և արդիւնաշատ: 1910 թւին  
էր, որ Աւստրալիայի պարլամենտը համարեա միա-  
ձայն այս բանաձևն ընդունեց.

«Քաղաքական իրաւունքների տարածումը կա-  
նանց վրայ, տղամարդկանց համահաւասար, Աւստրա-  
լիայում տուա ամենալաւ հետեանքները: Պարլամենտը  
սկսեց մեծ ուշադրութեամբ վերաբերել բոլոր այն  
խնդիրներին, որ վերաբերում են կանանց և երեխա-  
ներին: Միևնոյն ժամանակ՝ կանայք մեծ հետաքրքր-  
ութեամբ են վերաբերում քաղաքական ուրիշ խն-  
դիրներին: Ինչ վերաբերում է երկրի պաշտպանու-  
թեան խնդրին, այդտեղ ևս կանայք ըստամենայնի  
ցոյց աւելն նոյն հետաքրքրութիւնը, ինչ որ՝ տղամար-  
դիկ և նոյնպիսի կարողութիւն՝ թափանցելու այդ  
բարդ խնդիրների մէջ: Եւ նկատի ունենալով այն  
հանգամանքը, որ կանանց ընտրական իրաւունքի ներ-  
մուծումը միայն բարիք է հանդիսանում, չնայած որ  
շատերը կործանարար էին համարում այդ, մենք յար-  
գոյարար դիմում ենք բոլոր ժողովուրդներին, որ իրենց  
երկրում ևս տարածեն կանանց ընտրական իրաւունքը»:

Երբ մենք պահանջում ենք ընդհանուր ընտրական  
իրաւունք, այդ դէպքում ի նկատի ունենք, ի հարկէ  
միայն չափահասներին:

Սակայն հարց է՝ մարդ որ հասակից պիտի հա-  
մարի չափահաս: Այստեղ է ահա, որ տարբերում են  
կարծիքները: Բնորոշ է այն, որ բոլոր երկիրների ար-  
տօնեալ դասակարգերը ընտրական իրաւունք վայելե-  
լու համար պահանջում են աւելի մեծ տարիք, քան  
ուսմիավար կուսակցութիւնները:

Այս էլ՝ շատ պարզ պատճառով: Քանի զեռ մարդ  
երիտասարդ է, չկաշկանդուած ընտանեկան, պաշտօնա-

վարութեան և այլ տեսակի հոգսերով, նա աւելի էլ  
ազատասէր է, արմատական, աւելի է թեքուած դէպի  
քաղաքական ազատ միջնորոտը. իսկ երբ նա անցնում  
է 25 տարին, ամուսնանում է, կապուած է ընտանիքի  
հետ դառնում է աւելի դանդաղաշարժ, սրկաս աղա-  
տասէր. պայմաններն են առաջացնում այդ: Երբ մէկը  
սրաշտօն, կապեր ունի իր գործատիրոջ հետ, նա հեշ-  
տութեամբ յանձն չի առնի կուտղի, պայքարողի դերը.  
այլ շատ անգամ կյարմարի, ձայն կտայ նրան, որ  
հաճելի է իր «խաղէկինին»:

Բացի այդ ապացուցուած փաստ է, որ աշխատա-  
ւորները և առնասարակ խեղճերը աւելի քիչ են ապ-  
րում, քան ունեւորները և բարեկեցիկները: 100 աշխա-  
տաւոր եթէ վերցնենք, երիտասարդները՝ աւելի կլինեն  
և պակաս քան մեծերը, իսկ 100 բուրժուա որ վերց-  
նենք, դրանց թւում մեծերը համեմատաբար աւելի կը  
լինեն: Այս նշանակում է, որ սրկաս տարիքի ցենսը  
բուրժուազիայի համար աւելի ձեռնտու է:

Այս տեսակէտից էլ քաղաքական հասնութեան  
համար պէտք է ընդունել նոյն տարիքը, ինչ որ քա-  
ղաքացիական հասնութեան համար—20 տարեկան  
հասակը: Եթէ մէկը, այդ տարիքին հասնելով, իրա-  
ւունք ունի սեփական գործ սկսելու, առևտրական և  
այլ տեսակի դաշինքներ կուրու, եթէ նա կարող է  
զինուոր դառնալ, ինչու չի կարող նոյն հասակին գի-  
տակցաբար կատարել նաև իր պարտականութիւնները  
պետութեան վերաբերմամբ: Բոլոր դեմոկրատ կուսակ-  
ցութիւնները պահանջում են ընտրական իրաւունք  
տալ 19—20 տարեկան հասակից սկսած:

Այսպէս չէ սակայն միշտ իրականութեան մէջ,  
մանաւանդ յետագէմ երկիրներում: Քաղաքական հա-  
տուութեան համար Աւստրիայում, Պրուսիայում,

Սերբիայում պահանջուժում է 24 տարեկան լինել: Բելգիայում, Հոլլանդիայում, Դանիայում, Նորբիգիայում, Փերմանիայում, նաև առաջ՝ ուստահան Պետական Դուժայի համար 25 տարեկան, իսկ Դանիմարքում մինչև 1915 թիւը պահանջուժ էր 30 տարեկան հասակի ցենզ: Ընդհակառակը աւելի ազատ պետութիւններում ընտրական իրաւունք ունեն 21 տարեկանները արդէն (Ֆրանսիա, Անգլիա, Միացեալ-Նահանգներ և այլն): Ռենգարիայի պարլամենտին, ինչպէս նաև Շւէյցարական դաշնակցական խորհրդին մասնակցելու համար պահանջուժում է 20 տարեկան հասակ, իսկ առանձին կանտոնների ընտրութիւնների համար՝ նոյն իսկ 19—17 տարեկան հասակ: Ռուսաստանում ևս այժմ ընտր. իրաւունք ունեն սկսած 20 տարեկանից:

Այն ևս կայ, որ մի քանի երկիրներում աւելի բարձր տարիք է պահանջուժում պատիւ ընտրական իրաւունք վայելելու համար, քան սկստիւ.— Ֆրանսիայում՝ 25 տար. (սկստիւ 21 տար.), Աւստրիայում, Բաւարիայում և Պրուսիայում 30 տարեկան: Աւստրիայում պահանջուժում է նոյնիսկ, որ պատիւ ընտրական իրաւունք վայելողը երեք տարի շարունակ միեւնոյն համայնքում ապրած լինի. Պորտուգալիայում այդպիսիներից պահանջուժում է, որ ունենան տարեկան առնւազն 2,200 Ֆրանկ զուտ եկամուտ:

Ակնյայտ է, որ միանգամայն աւելորդ է այս սահմանափակումը: Երբ քաղաքական հասունութեան է հասել նշանակուժ է որ նա կարող է և ընտրել, եթէ ժողովուրդը ցանկանում է նրան ընտրել. ինչու զրկել ժողովրդին երիտասարդ, թարմ ներկայացուցիչներից: Չմոռանանք, որ Գլադստոնը 22 տարեկան էր,

երբ նա անգլիական պարլամենտի յայտնի անդամներից մէկն էր:

Ըստ երևոյթին այնքան էլ մեծ նշանակութիւն չունի այս տարբերութիւնը: Սակայն այդ սխալ է: Գրադովսկին\*) հաշւել է, որ 21—25 տարեկան ունեցող ազգաբնակութիւնը կազմում է բոլոր ընտրողների 15<sup>0</sup>/<sub>10</sub>, ուրիշ խօսքով՝ հարցը վերաբերում է հարիւր հազարաւոր և միլլիոնաւոր երիտասարդ ընտրողների:

Ընդհանուր ընտրական իրաւունքը, ինչ խօսք, չէ պահանջում անխտիր ամենքի մասնակցութիւնը ընտրութիւններին: Շատ պարզ է, որ երեխաները և ընդհանրապէս անչափահասները չեն կարող գիտակցել այդ իրաւունքի նշանակութիւնը: Նմանապէս հոգեկան նիւակները, որոնք զրկւած են գիտակցական կեանք վարելուց, չեն կարող ընտրութիւններին մասնակցել: Նաև այն մարդիկ, որոնք դատարանով ճանաչւած են իբրև յանցագործներ (աւազակութեան, ընտրողներին կաշտոնելու համար, և այլն), նրանք ևս չպէտք է ընտրեն: Պարլամենտական ընտրութիւններին մասնակցել չեն կարող նաև օստրակիացիները:

Ընդհանուր ընտրական իրաւունքը համարուժ է հրամայողական պահանջ բոլոր սամկափար կուսակցութիւնների ծրագիրներում: Այդ ճանապարհով էլ աշխատաւոր մաստանների քաղաքական կուլի ազգեցութեան տակ, տառջ է գնում արևմտեան ազատ երկիրների ներկայացուցչութիւնը: Ընդհ. ընտրական իրաւունք գոյութիւն ունի արդէն Մ.-Նահանգներում, Շւէյցարիայում, Ֆրանսիայում, Փերմանիայում (առյ-խտազի համար) Նորբիգիայում, Իսպանիայում: 1907 թ.-ին ընդհանուր ընտր. իրաւունք մտցրեց Աւստրիա-

\*) „Государственное право важнейшихъ европейскихъ державъ“, стр. 321.

յում, 1912 թ. Իտալիայում, իսկ 1917 թ.—Ռուսաստանում: Անգլիայի պարլամենտն էլ արդէն ընդունել է ընդհանուր ընտր. իրաւունքի օրինագիծը:

Այսպէս ուրեմն, ընտրական իրաւունքը պիտի լինի անպատճառ բնութանու, այդ են պահանջում ժողովրդի ճշմարիտ շահերը: Չպէտք է տարբերութիւն դնել ազնւականի և քաղաքացու, կաւածատիրոջ և գիւղացու, բուրժուայի և բանուորի, կնոջ և տղամարդու ինչպէս նաև տարբեր ազգութիւնների ու կրօնների պատկանողների մէջ—ամենքին էլ անխտիր պէտք է իրաւունք տալ թէ ընտրելու և թէ ընտրելու: Չէ որ տարբեր դասակարգի և սեռի անդամները անխտիր՝ անհրաժեշտ զործօններ են պետական կեանքում: Քանի որ բոլորն էլ ծառայում են հայրենիքին, ունեն իրենց քաղաքացիական և պետական պարտականութիւնները, բնական է, որ բոլորն էլ ունենան նաև իրաւունք: Ինչպէս որ մարդու օրգանիզմը առողջ և կատարեալ կը լինի միայն այն ժամանակ, երբ նրա ամեն մի անդամը կատարէ իր ֆունկցիան, նմանապէս և մի պետութիւն բարօրութիւն կունենայ, անսայթաք կառաջադիմէ այն ժամանակ, երբ նրա բոլոր քաղաքացիները պարտականութիւնների հետ միասին ունենան նաև իրաւունք: Մի երկրում չի կարող գոյութիւն ունենալ իսկական ժողովրդագրատեթիւն, եթէ այնտեղ չլինի ընդհանուր ընտրական իրաւունք:

IV. ՀԱՒԱՍՍՐ ԸՆՏՐՈՒԹԻՒՆՆԵՐ

Բաւական չէ, որ ընտրական իրաւունքը լինի ընդհանուր, նա պիտի լինի նաև հաւասար: Բաւական չէ, որ պարլամենտական և այլ ընտրութիւններին մի

երկրում մասնակցեն ամբողջ չտիանաս ազգաբնակչութիւնը, հասարակութեան բոլոր խաւերը—առանց դասակարգի, ազգի կրօնի և սեռի խտրութեան: Անհրաժեշտ է նաև, որ ամենքն էլ ունենան հաւասար ձայն, մէկին չտրուի աւելի ձայնի իրաւունք, միւսին՝ պակաս: Մի խօսքով պէտք է ընտրութիւններին իրականացնել, ինչպէս անգլիացի դեմոկրատներն են առաջին անգամ պահանջել, one man—one vote-ի, այսինքն՝ «մէկ մարդ—մէկ ձայնի» սկզբունքը: Իւրաքանչիւր ընտրող պիտի ունենայ միայն մէկ ձայն, և ոչ աւել:

Ժամանակակից դեմոկրատիան հիմնւած է քաղաքացիների կատարեալ հաւասարութեան սկզբունքի վրայ, նա ժխտում է ամեն մի ֆէոդալական և այլ տեսակի արտօնութիւններ, որոնք ժառանգութիւն են միջնադարեան ժամանակի: Անհրաժեշտ է այդ հաւասարութիւնը, որպէսզի իսկապէս զործնական լինեն ընդհանուր ընտրութիւնները:

Այս են պահանջում բոլոր երկրների դեմոկրատիական կուսակցութիւնները:

Շատ պարզ է և հասկանալի, որ այսպէս էլ պէտք լինէր: Բայց այդպէս չէ իրականութիւնը: Այս կամ այն երկրում խախտում է հաւասար ընտրութեան սկզբունքը՝ զանազան անհիմն պատճառարանութիւններով: Այստեղ, ստկայն, մի բան պարզ է. հաւասար ընտրութեան սկզբունքի խախտումը նպատակ ունի միմիայն պաշտպանել ունեւոր, արտօնեալ դասակարգերի շահերը և ոտնահար անել աշխատաւոր դասակարգերի իրաւունքը: Ահա թէ ինչպէս:

Անգլիայում, ինչպէս տեսանք, ընտրական իրաւունքը հիմնւած է ցենզի վրայ. սեփական բնակարան, մի որոշ կարողութիւն կամ կաւածք ունեցողին միայն տրւում էր ընտրական իրաւունք: Ըստ

այդմ էլ Անգլիայում եթէ մէկը հարուստ է, զանազան ընտրական շրջաններում կալւածքներ կամ առևտրական ձեռնարկութիւններ ունի, այդ կապիտալիստին իրաւունք է տրւում մասնակցելու ընտրութիւններին միաժամանակ այն բոլոր ընտրական շրջաններում, ուր նա կալւածքներ ունի. մասնաւանդ որ ընտրութիւնները Անգլիայում մէկ օրում չեն կատարւում. Այսպիսով էլ պատահում է, որ բուրժուակապիտալիստի մէկը, շնորհիւ միայն իր հարստութեան, ձեռք է բերում մէկից աւելի ձայնի իրաւունք, երբեմն 10, 20, նոյնիսկ 30, և աւելի: Հաշւել են, որ Անգլիայում 7 միլ. ընտրողներին  $\frac{1}{2}$  միլիոնը ունեն 2, 3, և աւելի ձայներ:

Պարզ է ուրեմն, որ մենք այստեղ գործ ունենք ցենզային սիստեմի մի ուրիշ տեսակի, կամ աւելի ճիշտն ասած, թագնւած ցենզի հետ: Այն ընտրական սիստեմը, որով մէկին կամ միւսին արտօնութիւն է տրւում միևնոյն պարլամենտի ընտրութիւններին մէկից աւելի ձայն ունենալու, կոչւում է պլուրալիստեմ (յոգնակի ձայնաւութիւն), ուրիշ խօսքով՝ տարբեր ընտրողներ տարբեր թւով ձայն ունեն. և այն մարդիկ, որոնք կողմնակից են պլուրալիստեմին, կոչւում են պլուրալիստներ:

Պլուրալիստեմի կողմնակից են եղել շատ լիբերալներ, որոնց մէջ յիշելի է Ջ. Ստ. Միլլին: Սա և ուրիշները պաշտպանում են այն հայեացքը, թէ չէ կարելի կրթւած և անկիրթ մարդուն նոյն թւով ձայնի իրաւունք տալ: Ինչպէս տեսնում ենք այստեղ էլ հանդէս է գալիս թագնւած կրթական ցենզը, որը իր կարգին սերտ առնչութիւն ունի կարողութեան ցենզի հետ:

Միլլն ասում է. «Միայն ֆրանս և ոչ թէ օգուստ

կարելի է սպասել այն բանից, երբ մի երկրի հիմնական օրէնքները յայտարարեն, թէ քաղաքական իշխանութեան վրայ ազիտութիւնն ունի նոյն իրաւունքը, ինչ՞ գիտութիւնը»:

Իսկ Գուստաւ Տրլբեր, սէպտեմբրի տաղանդաւոր հիմնադիրը Ֆրանսիայում, ժորժ Զանգին ուղղած մի նամակի մէջ ասում է, թէ նա իր ձայնը հաւասար է համարում 20 սովորական ընտրողների ձայներին:

Միլլի և ուրիշ բուրժուական իդէօլոգների, յատկապէս ինդիւիդուալիստների փաստարանութիւնն այն է, թէ կրթւած մարդկանց պէտք է տալ մէկից աւելի ձայնի իրաւունք, սրպէսզի այդպիսով երկրի քաղաքական զարգացումը կարևոր բարձրութեան վրայ կանգնած ցնայ:

Պարզ է, որ այդպիսով կրկին պաշտպանւած են լինում բուրժուակապի շահերը. չէ՞ որ բանւորը և գիւղացին չունեն այն նիւթական միջոցները, որոնցով նրանց կարողանային պահանջած կրթական ցենզը ձեռք բերել: Բացի դրանից՝ պլուրալիստները այն կարծիքն են յայտնում, թէ հաւասար ընտրութիւն եթէ լինի՝ այդ զէպքում աշխատաւոր դասակարգը, թւական բազմութեան շնորհիւ, դիւրութեամբ իր ձեռքը կզցի քաղաքական իշխանութեան ղեկը և այդպիսով կհաստատէ իր դասակարգային իշխանութիւնը:

Դրան պիտի առարկել նախ այն, որ հաւասար ընտրութեան կողմնակիցները այդ պահանջում են սկզբունքով, ոչ թէ այս կամ այն դասակարգի, այլ ընդհանրութեան շահերն ի նկատի ունենալով. չէ՞ որ ամեն մի քաղաքացի, ուզէտ թէ գիտուն, բոլորն էլ իրենց անդն ունեն քաղաքական կազմի մէջ և իւրաքանչիւրը կատարում է մի անհրաժեշտ ֆունկցիա:

Տասնեակ դարեր առաջ դեռ Արիստոսելը յայտնել է այն ճշգրիտ հայեացքը, թէ պետութիւնը անարական ընկերութիւնը իս չէ, ուր շատ փոք տւողները շատ էլ իրաւունք ունենան, պետական գործունէութիւնը չի կարելի փողի վերածել, և ոչ էլ ամեն մի քաղաքացու ծառայութիւնը պետութեան՝ թւերով արտայայտել:

Եւ, որ պիտաւորն է, միթէ կարծում են բուրժուա իդէոլոգները, թէ պլուրալիստեմով կառնելի դասակարգային իշխանութեան առաջը: Միթէ այն չի իրողութիւնը, որ պլուրալիստեմ մտցնելով—որ նոյնն է թէ հարուստներին գերիշխող դարձնել—իրօք մտցնում է մի դասակարգի,—նչ աշխատաւորութեան բուրժուազիայի դասակարգային գերիշխանութիւնը, մի խօսքով, պլուտոկրատիա: Պարզ է, որ այն:

Սակայն պարզ է մեզ համար նաև այն, որ հաւասար ընտրութիւն մտցնելով կը հիմնուի ոչ թէ այս կամ այն դասակարգի քաղաքական գերիշխանութիւնը, այլ ամբողջ ժողովրդի վեհապետութիւնը:

Այս են պահանջում բոլոր գուտ ժողովրդական կուսակցութիւնները:

Ընտրութեան պլուրալիստեմ գոյութիւն ունի և Բելգիայում, ուր թէև ընդունւած է ընդհանուր ընտրական իրաւունքը: Ամեն մի 25 տարեկան քաղաքացի տղամարդ, որ ապրել է մէկ տարի շարունակ մի երկրում ունի մէկ ձայնի իրաւունք:

Սակայն բացի մէկ ձայնից աւելորդ մեկ ձայն էլ ունեն հետևեալ կատեգորիաների ընտրողները. 1) 35 տարեկան հասած ամուսնացած կամ այրի տղամարդիկ, որոնք ունեն օրինական գաւակներ և տալիս են առնչւածն 5 ֆրանկ հարկ. 2) 25 տարեկան տղամարդիկ, որոնք ունեն առնչւածն 2,000 ֆրանկ արժէք ունեցող կալւածք: Վերոյիշեալ երկու պահանջներին գոհացում տւող-

ներն ուրեմն կուսենան երկու ձայն: Աւելորդ երկու ձայնի իրաւունք ունին 1) բարձրագոյն կամ բարձր կարգի միջնակարգ ուսումնարան աւարտածները և 2) որոնք վարում են յիշեալ ուսմանը համապատասխան պաշտօն: Սակայն յամենայն դէպս ոչ ոք չէ կարող երեք ձայնից աւելի իրաւունք ունենալ: Բոլորն էլ իրենց ձայնը տալիս են միենոյն ընտր. շքանում:

Այդ սխառմի դէմ են կուում սոցիալիստները: Դժգոհութիւնը այդ սխառմի դէմ քանի դնում մեծանում է 1902-ին առաջարկ եղաւ վերացնել այն, սակայն ձայների սակաւ առաւելութեամբ մերժեց հաւասար ընտրողական իրաւունքները \*):

Գերմանիայի Իաշնակցական Խորհուրդում էլ (Bundeesrath) 17 պետութիւններ ունեն մէկ—մէկ ձայն. մէկը միայն՝ (պրուսիան) 17 ձայն իսկ մնացածը 2—6 ձայն:

Յայտնի է, որ 1906-ին յատկապէս ուսական յեղափոխութեան ազդեցութեան տակ, Աւստրիայում անագին շարժում առաջ եկաւ յօգուտ ընդհանուր ընտրական իրաւունքի, որի պիտաւոր պահանջ դնող այնտեղի բանւորական դասակարգն էր և կառավարութիւնը համակերպեց: Իսկ ինչպիսի ընտրական իրաւունք էր այնտեղ իշխողը: Բոլոր ընտրողները բաժանում էին 5 կարգի, որոնք և կոչւում են կուրիաներ. 1) խոշոր կալւածատէրեր, 2) քաղաքային համայնքներ, 3) անտրականներ և արհեստաւորներ, 4) գիւղական համայնքներ: Այս չորս կուրիաների վրայ

\*) Ամբողջ Բելգիայում ընտրողների թիւն է՝ 1,745.000: Դրանցից 1,005,000-ը ունեն 1-ական ձայն, 412,000-ը՝ 2-ական ձայն և 328,000—3-ական: Ուրեմն՝ վերջին խմբերը կարող են տալ 1,808,000 ձայն, այսինքն երկու անգամ աւելի, քան առաջինը:

1896 թվականից աւելացել էր և մի 5-րորդը, որ հիմնւած էր ընդհանուր ընտրական իրաւունքի վրայ: Առաջին չորս կուրիաները միասին ընտրում էին 353 պատգամաւոր, իսկ 5-րդը մենակ՝ 72:

Այս նշանակում է, որ 5-րդ կուրիայում 1 պատգամաւոր էր ընկնում 70,000 ընտրողի վրայ, իսկ 2-րդում՝ 1 պատգամ. միմիայն 26 ընտրողի վրայ. ուրիշ խօսքով՝ արտօնեալ 2-րդ դասի 26 ընտրողների ձայնը հաւասար է 5-րդ դասի 70,000 ընտրողների ձայնին, կամ՝ 1 ձայնը մէկ ղէպըում=2700 ձայնին՝ ուրիշ ղէպըում: Պարզ է ուրեմն այստեղ ընտրական իրաւունքի անհաւասարութիւնը, 5-րդ կուրիայի ընտրողները, որի մէջ մասնակցում են 5,000,000 ընտրողներ՝ ժողովրդական լայն խաւերից՝ ուղարկում էին պարլամենտ բոլոր պատգամաւորների միայն 17<sup>0</sup>/<sub>10</sub>:

Այսպիսով ստանում ենք հետևեալ ցանկը.

Կուրիա	ընտրողների թիւը	պատգամ. թիւը	որոշ վրայ է ընկնում 1 պատգ.
1) Խոշոր կալւածատէրեր	5,431	85	64
2) Ասեւորականներ	556	21	26
3) Քաղաքներ	493,804	118	4,193
4) Գիւղ. համայնքներ	1,585,466	129	12,290
5) Ընդհանուր	5,044,222	72	69,563

Այն բոլոր ընտրողները, որոնք, իրենց ցենզի համաձայն, իրաւունք ունէին առաջին չորս կարգերից մէկում ձայն տալու, այդ իրաւունքը ունէին նաև 5-րդ կարգում: Այդպիսով ուրեմն միաժամանակ մի ընտրող կարող էր միեւնոյն ընտրութիւններին երկու ձայնի իրաւունք ունենալ:

Այս ընտրական սխառեմը ցոյց է տալիս այն,

որ մի կողմից կառավարութիւնը ստիպւած է եղել ղիջել գեմոկրատիական պահանջների առաջ, միւս կողմից էլ չէ կամեցել քանդել դասակարգային ներկայացուցչութիւնը: «Այսպիսով,—ստում է Jellinek— (եր 11), աստրիական պատգամաւորների պալատը նմանում է երկու տարրեր կտորից կարւած զգեստի»:

Պրուսիայի լանդտագի համար գոյութիւն ունեցող երեքգասեան ընտրական սխառեմն էլ ինչպէս տեսանք, պարունակում է իր մէջ ոչ միայն ցենզային արտօնութիւն, այլ նաև հանդիսանում է իբրև մի տեսակ պլուրալիստեմ:

Հաւասար ձայնաւութեան սկզբունքը կը լւանգարւի նաև այն ժամանակ, երբ ընտրութիւններին մասնակցելու իրաւունք տրւի իրաւաբանական մարմիններին, այսինքն այն բոլոր հաստատութիւններին, ընկերութիւններին և միութիւններին, որոնք ունեն հաստատւած կանոնադրութիւն և սեփականութիւն: Իրա հետևանքը այն կը լինի, որ հարուստ մարդիկ, որոնք այս կամ այն տեղ շատ ակցիաներ ունեն, կամ արգիւնաբերողներ են և այլն, դրանք բոլորը չեն ունենայ միայն մէկ-մէկ ձայն, ինչպէս աշխատաւորները, այլ երկու, երեք և աւելի ձայն: Իրանով էլ, ուրեմն, խախտւած կը լինի հաւասար ընտրութեան սկզբունքը:

Եթէ մի երկրում գոյութիւն ունենայ նոյնիսկ ընդհանուր և հաւասար—թէկուղ հէնց ուղղակի և գաղտնի ձայնաւութեամբ—ընտրական իրաւունք, այդ ղէպըում ևս կարող է խախտել հաւասար ընտրութեան սկզբունքը ուրիշ եղանակով: Ահա թէ ինչպէս:

Մեր խօսքը այսպէս կոչւած, ինչպէս Բիսմարկն է անւանել, քլեսրական աւխառնագրութեան մասին է. այսինքն, երբ ամբողջ երկիրը բաժանուած է որոշ թիւ ընտրական շրջանների, սակայն մի շրջան կարող է

ունենալ աւելի թւով ազգաբնակութիւն (ասկնք օր-  
150,000), իսկ մի ուրիշը՝ պակաս (օր. 85,000): Ակ-  
նեբե է, որ այս դէպքում էլ խախտուած է հաւասար  
ընտրողական իրաւունքի սկզբունքը:

Ուրեմն, անհաւասար ընտրութեան առաջն առ-  
նելու համար անհրաժեշտ է, որ երկիրը բաժանուի հա-  
ւասար թւով բնակիչներ ունեցող ընտրական շրջան-  
ների: Այս բաւական չէ. հարկաւոր է մի քանի տարին  
մի անգամ, ամենալաւը՝ ժողովրդագրութիւնից ան-  
անմիջապէս յետոյ՝ (ինչպէս որ է Ֆրանսիայում) —  
նորից բաժանել երկիրը ընտրական շրջանների, էլի  
ազգաբնակութեան թւի համաձայն. չէ՞ որ մի շրջանի  
բնակիչները թիւը որոշ ժամանակում կարող է բազ-  
մանալ, իսկ մի ուրիշինը՝ նւազել: Միանգամ բնդմիշտ,  
գեմոկրատիական տեսակէտով, պարզ և ընդունելի  
պիտի լինի այն սկզբունքը, որ հաւասար թւով ընտ-  
րողներ միայն կարող են մի պատգամաւոր ուղարկել  
պարլամենտ:

Գերմանիայում, օրինակ, երկիրն ընտրական շր-  
ջանների է բաժանել սրանից դեռ 46 տարի առաջ.  
այդ բաժանումը ֆնացել է հաստատ մինչև օրս: Մրա  
հետևանքն այն է, որ 46 տարի առաջ շատ ընտրական  
շրջաններում, ուր կար 100,000 բնակիչ — այժմ կայ  
հազիւ 40—50,000, և կան այնպիսի շրջաններ, ուր  
այդքան տարիների ընթացքում ազգաբնակութեան  
թիւը հասել է 150—300,000-ի: Պատճառն էլ պարզ է.  
գիւղը քանի գնում դատարկում է, իսկ քաղաքը՝ մե-  
ծանում: Առաջ են եկել խոշոր արդիւնագործական  
կենտրոններ, որոնց ազգաբնակութեան ամենախոշոր  
մասը բանւորներ են: Իուրս է գալիս ուրեմն, որ ար-  
դիւնագործական կենտրոնների 300,000 ընտրողներն  
էլ պիտի պարլամենտ ուղարկեն մէկ պատգամաւոր,

գիւղական 50,000-ն էլ մէկ պատգամաւոր: Այս բա-  
ւական չէ. «ընտրական աշխարհագրութեան» միջոցով  
կառավարութիւնը մեծ քաղաքների արարձանները,  
ուր ապրում են գեմոկրատիական տարրեր փոխանակ  
միացնելու քաղաքի ընտրական շրջանին, միացնում է  
շրջակայ գիւղական ազգաբնակութեան շրջանին, և,  
այդպիսով, այդ շրջանում փոքրամասնութիւն կազմող  
գեմոկրատ բանւորների ձայնը խեղդում է աւելի բազ-  
մաթիւ, բայց պահպանողական գիւղական ընտրողնե-  
րի մէջ:

Գիւն այն էլ կայ, որ Գերմանիայի (այժմ էլ զո-  
յութիւն պահպանող) ընտրողական շրջանները կազ-  
մուել են 1871-ին, երբ Գերմանիան ունէր 39,700,000  
բնակիչ և ըստ այդմ ուղարկում է 397 ներկայացուց-  
ցիչ, մինչ այժմ Գերմանիայի բնակիչների թիւը հա-  
սել է մօտ 70,000,000-ի, իսկ ներկայացուցիչների  
թիւը ֆնացել է էլի նոյնը:

Իրանից կրկին տուժում է աշխատաւորութիւնը:

Պարզ է, որ այս դէպքում զգալի կերպով խախտ-  
ւում է հաւասար ընտրութեան սկզբունքը: Գերմա-  
նիայի աշխատաւորութիւնը կոխ է մղում այդ ան-  
արդարութեան դէմ՝ քանի որ տուժում է այստեղ  
բանւորութիւնը, մինչ՝ գիւղական աւելի անգիտակից  
և խտար մասսաների վրայ յենուող կուսակցութիւննե-  
րին ձեռնառու է հին բաժանումը: Այդպիսի բաժանման  
շնորհիւ է միայն, որ ռայխստագի ընտրութիւններից  
մէկի ժամանակ աւելի քան 3 միլիոն սոցիալիստ ընտ-  
րողներ ռայխստագ ուղարկեցին 81 ներկայացուցիչ,  
այն ինչ 2 միլիոնից էլ պակաս ձայն ունեցող կենտ-  
րոնի կուսակցութիւնը ուղարկեց 100 պատգամաւոր:  
Անհաւասարութիւնն ակներև է:

V. ՌԻՂԱԿԻ ԵՒ ԳԱՂՏԵՒ ԶԱՅՆՏԻՌԻՓԻԻՆ

Ռամկավար ընտրութիւնները բացի ընդհանուր և հաւասար լինելուց, պիտի լինեն անպատճառ նաև ուղղակի ու դադանի:

Մենք երբեք աչքաթող չպիտի ցնենք մի հանգամանք— իսկական ժողովրդապետութեան սկզբունքը: Եթէ անհնար է իրագործել անմիջական ժողովրդապետութիւնը, ապա ուրեմն ներկայացուցչական սխտեմը այնպիսի պայմանների մէջ պիտի դնել, որ ներկայացուցիչները յիշուի հանդիսանան ժողովրդական կամքի արտայայտիչներ:

Այս տեսակէտից նայելով ընտրութիւնների վրայ, մենք անպատճառ պիտի պահանջենք, որ նրանք լինեն ուղղակի: Այս ասելով մենք հասկանում ենք ձայնաւութեան այն եղանակ, երբ ընտրողները իրենց քէն անմիջապէս՝ ուղղակի տալիս են նրան, ում ցանկանում են ընտրած տեսնել: Ժողովուրդը ինքը անմիջապէս ընտրում է իր ներկայացուցիչներին:

Մակայն այդպէս չէ լինում միշտ: Յաճախ ընտրութիւնները լինում են անուղղակի ձայնաւութեամբ. այսինքն ընտրող ազգաբնակիւթիւնը իր միջից ընտրում է որոշ թւով պատկերակներ (выборщики) որոնք արդէն, իրենց կողմից, ընտրում են ներկայացուցիչ. այս դէպքում ուրեմն ընտրութիւնները կատարւում են երկաստիճան կարգով:

Բայց պատահում է, որ ընտրութիւնները լինում են ոչ թէ երկաստիճան, այլ եռաստիճան, նոյն իսկ քառաստիճան մի խօսքով՝ բազմաստիճան կարգով, այսինքն՝ ընտրող ազգաբնակիւթիւնը ընտրում է պատւիրակներ, սրանք էլ իրենց կողմից ընտրում են

լիազօրներ, և այլն, որոնք և իրենց կողմից ընտրում են ներկայացուցիչ \*):

Յիսնգամայն ակներև են ուղղակի ձայնաւութեան առաւելութիւնները ռամկավարութեան տեսակէտից: Երբ ժողովուրդը անմիջապէս ընտրում է իր պատգամաւորին, այդ դէպքում պահպանւում է սերտ կապ այդ երկուսի մէջ: Ժողովուրդը գիտէ, թէ ով է իր ներկայացուցիչը՝ վերջինս էլ գիտէ, թէ ովքեր են իր ընտրողները: Ընտրողները հնարաւորութիւն ունեն միշտ հետևելու իրենց ընտրեալի գործունէութեան, քննադատաբար վերաբերելու նրան. սրանք կը տեսնեն, թէ իրենց ներկայացուցիչը յիշուի՞ արտայայտիչ է իրենց՝ ընտրողների քաղաքական-սոցիալական հայեացքների. լրագիրը ամենալաւ սուրհանգակն է այդ բանի համար:

Պարլամենտական նստաշրջանը վերջացնելուց յետոյ պատգամաւորը գնում է իր ընտրական շրջանը, խօսում, խորհրդակցում է իր ընտրողների հետ, ստանում է նրանցից որոշ մանդատներ, այդպիսով ստեղծւում և պահպանւում է սերտ կապ ընտրողների և ընտրուողի մէջ. վերջինս հանդիսանում է առաջինների կամքի արտայայտիչ:

Ուղղակի ընտրութիւնները կենդանի հետաքրքրութիւն են գարթեցնում հասարակութեան մէջ: Ստատիստիկական ցոյց է տալիս, որ ուղղակի ընտրութիւններին երկու անգամ աւելի մարդիկ են մասնակցում, քան աննուղղակի ընտրութիւններին:

Եթէ ներկայացուցիչը չարգարացնէ ընտրողների յոյսը, ապա ուրեմն վերջինները հնարաւորութիւն ու-

\*) Պետական Դումայի ընտրութիւնները լինում էին երկաստիճան, տեղ-տեղ մինչև իսկ եռաստիճան և քառաստիճան ձևով:

նեն հետեւեալ ընտրութիւնների ժամանակ չգնել նրա թեկնածութիւնը:

Միւս կողմից ակներև են անուղղակի ընտրութիւնների թերութիւնները, նրանց հակաժողովրդական բնոյթը:

Երկաստիճան կամ ընդհանրապէս անուղղակի ընտրութիւնների ժամանակ լիազօրները կոմպրոմիսս անելով յանկարծ ներկայացուցիչ կարող են ընտրել բոլորովին ուրիշ հայեացքների տէր մարդու, քան ժողովուրդը. այդպիսի ճանապարհով ընտրածը արտայայտիչ կը լինէր մի խումբ մարդկանց, ոչ բոլոր ընտրողների կամքի:

Անուղղակի ընտրութիւնները ամենից շատ վնասում են աշխատաւոր դասակարգերին: Մի գիւղացու կամ բանւորի համար ծանր բան է լիազօր ընտրել, ծախսեր անել և ընտրութեան վայրը գնալ, այն ինչ այդ բանը գիւրին է բուրժուաների համար: Բացի դրանից՝ ուղղակի ընտրութիւնների ժամանակ զժւար կարող են պատահել խարդախութիւններ և ճնշում, քան ուղղակի ընտրութիւններին: Հազարաւոր ընտրողների զժւար է կաշառել, իսկ սակաւաթիւ լիազօրներից մէկին կամ մի քանիսին՝ ոչ զժւար:

Կառավարութիւնը հեշտութեամբ կարող է ճնշում գործ դնել սակաւաթիւ լիազօրների վրայ և իր ուզած մարդկանց ընտրել տալ, իսկ ուղղակի ընտրութիւնների ժամանակ համեմատաբար շատ քիչ երկիւղ կարող է լինել այդ նկատմամբ:

Ուղղակի ձայնաւութիւնը ընդունւած է Անգլիայում, Ֆրանսիայում, Գերմանիայում (ոայխտտագի ընտրութիւններին) և ուրիշ ուսմկավար երկիրներում,

ինչպէս այժմ նաև՝ Ռուսաստանում\*):

Ինչպէս որ մենք պահանջում ենք ուղղակի ձայնաւութիւն, այնպէս էլ անհրաժեշտ ենք համարում գաղտնի ձայնաւութիւնը: Ըստ երևոյթին ոչ մի վնաս չէր լինի, նոյնիսկ շատ լաւ կը լինէր, և թէ ընտրողները բացարձակ կերպով յայտնէին, թէ ում են նրանք ձայն տալիս, թէ ով է նրանց ընտրելին: Բայց քւէարկութեան կողմնակիցները ասում են, թէ ով որ քաղաքացիական արիութիւն ունի, ով արժանապէս գնահատելի գիտէ իր իրաւունքները, նա պարտաւոր է առանց քաշելու կամ վախենալու տալ իր քւէն ցանկացած մարդուն:

Սակայն այդ բոլոր խօսքերը իրականութեան հետ ասընչութիւն չունեն: Մենք գործ պիտի ունենանք ոչ թէ վերացական գաղափարների հետ, այլ գործնական կեանքի: Իսկ ինչ է սովորեցնում մեզ գործնական կեանքը: Ահա թէ ինչ:

Ասենք թէ մի ընտրական շրջանում պէտք է ընտրել մի պատգամաւոր: Հաւաքւում են բոլոր ընտրողները, նրանց մէջ կան թէ՛ բազմաթիւ բանւորներ և թէ՛ նրանց կառավարիչները և տէրերը, թէ՛ ստորագրեալներ և թէ՛ ստորագրողներ, հսկում են նաև կառավարութեան մարդիկ: Ի՞նչ գուրս կգոյ բաց քւէարկութեան դէպքում: Այն, որ հազարաւոր բանւորներ, հացի խնդրից զրդւած, ստիպւած կը լինեն ձայն տալու այնպիսի մարդու, որը ոչ թէ բանւորների, այլ գործատիրոջ շահերը պիտի պաշտպանէ պարլամենտում. հէնց ինքը տէրը կը դնի իր թեկնածութիւնը. վայ եկել տարել է այն բանւորներին, որը կը

\*) Անուղղակի ընտրութիւնները— պահւում են մինչև օրս Պրուսիայում և Ռումինիայում: Միաց.Նահանգների նախագահի ընտրութիւնն էլ լինում է երկաստիճան եղանակով:

համարձակել «տիրոջ»-ը ձայն չտալ, նրա կամքին հակառակ երթալ, հեշտութեամբ նա կարող է հորցնել իր հացի կտորը: Նոյնը նաև միւս ստորադրեալներէ վերաբերմամբ կարելի է ասել. Իսկ որ գլխաւորն է, բաց քւէարկութեան ժամանակ արթուն կերպով հրակում են կառավարութեան գործակալները: Միթէ քչերը կը լինեն, որ կառավարութիւնից վախենալով ձայն կը տան նրա ուզած մարդուն:

Ո՞ւմ յայտնի չէ այն, որ երբ գիւղի ասնուտէր են ընտրում, հարատահարւած գիւղացին ձայն է տալիս էլի իրեն կեղեքող վաշխառուին, բռնակալ իշխանաւորներին: Ինչո՞ւ. ոչ միայն նրա համար, որ տգէտ է, այլ նաև նրան համար, որ գիւղացին վախենում է նրանց վրիժառութիւնից:

Ուրեմն՝ այնպիսի մի կարևոր գործ, ինչպիսին հանդիսանում են ընտրութիւնները, չպիտի գոճ բերել ինչ որ «քաղաքացիական արիութեան», որից ոչ մի գրական շահ չունի աշխատաւոր ժողովուրդը: Միթէ կեղծաւորութիւն չին անում բաց քւէարկութեան պաշտպանները: Միթէ նրանք ամեն ժամանակ և ամեն տեղ քաղաքացիական արիութիւն են ցոյց տալիս, ճշմարտութիւն խօսում՝ առանց ծածկելու: Ոչ, ուրիշ պատճառ ունեն նրանք. իրենց դասակարգային-բուրժուական շահերը պաշտպանելու միջոցներից մէկն է բաց քւէարկութիւնը: Ահա թէ որտեղ է գաղտնիքը:

Այդ բաներից ազատելու համար՝ աշխատաւոր ժողովրդի շահը պահանջում է, որ քւէարկութիւնը լինի գաղտնի: Իւրաքանչիւր ընտրող իր խղճի ձայնին լսելով կընտրէ նրան, ում կը համարի ամենից արժանաւոր, Այս է պատճառը, որ գաղտնի քւէարկութիւն է ընդունւած երոպական համարեա բոլոր ուղատ

կրկիրներում: Բաց քւէարկութիւնը հուսթեան մնացորդ է և վերացնելու արժանի:

Չանազան կերպ կարելի է կատարել գաղտնի քւէարկութիւնը: Անգլիայում այսպէս են անում, ընտրական թերթերի վրայ նշանակւած են լինում բոլոր կանգիտատների անունները: Իւրաքանչիւր ոք իր ցանկացած մարդու անւան կողքին խաչ է դնում և յանձնում ընտրական յանձնաժողովին: Ուրիշ կրկիրներում՝ ընտրական թերթերի վրայ ոչ մի անուն էլ չի լինում գրած, թողնւում է ընտրողներին գրել ուզած անունը և թերթը յանձնաժողովին տալ: Գերմանիայում ամեն մի կուսակցութիւն տպում է իր առանձին ընտրաթերթերը և ձայն տալիս ցանկացած մարդուն, այդ ընտրաթերթերն էլ հաւաքում է յանձնաժողովը և ապա համարում: Նոյնը նաև մեզնում: Որպէսզի անգրագէտներին էլ յարմարութիւն արւի, կուսակցութիւնների ընտրաթերթերը առանձին-առանձին գոյներ ունեն. օրինակ՝ լիբերալներինը դեղին է, սոցիալիստներինը՝ կարմիր և այլն: Անգրագէտ մարդն էլ արդէն հեշտութեամբ կարող է ջոկել իր ընտրեալների ցանկը:

Այս է ամենայարմար ձևը գաղտնի ընտրութեան ժամանակ: Մի քանի տեղերում ընդունւած է նաև այն սխտեմը, որ իւրաքանչիւր թեկնածու ունենում է իր տուփը, ընտրողները մօտենում են տուփերին և ցանկանած թեկնածուի տուփը գցում են սպիտակ քւէ, իսկ չցանկացածին սև քւէ:

Գաղտնի քւէարկութիւնը աւելի կատարեալ անելու համար ընտրւած կարգ է նաև հետեւեալը: Ընտրութեան վայրում լինում է մի յատուկ սենեակ, ուր մտնում է իւրաքանչիւր մի ընտրող և այնտեղ, ուր ոչ ոք նրան զիտել չէ կարող, յատուկ պատրաստ-

ւած ծրարի մէջ է դնում իր ուղած ընտրութիւնը: Այնտեղից դուրս գալով ծրարը տալիս է յանձնաժողովին: Ոչ ոք այդպիսով չէ կարող իմանալ, թէ այս կամ այն ընտրողը ում է ձայն տուել:

VI. ՀԱՄԵՄԱՏԱԿԱՆ (ՊՐՈՊՈՐՑԻՈՆԱԼ) ԸՆՏՐՈՒԹԻՒՆՆԵՐ

Եթէ մի տեղ ընտրութիւնները կատարուած են քառանդամ՝ ընդհանուր, հաւասար, ուղղակի և գաղտնի ֆորմուլայով, եթէ անգամ ընտրական շրջանները հաւասար թւով ազգաբնակչութիւն ունեն, այդ դէպքում ևս կիսախուփ դեմոկրատիական ընտրութիւնների սկզբունքը, եթէ այնտեղ մաժորիտար (ըստ մեծամասնութեան) ձայնաւութիւն գոյութիւն ունի, այսինքն՝ երբ բոլոր ընտրական շրջաններում էլ ընտրողների սոսկ մեծամասնութեան թեկնածուներն են համարուած ընտրուած:

Մաժորիտար ընտրութիւններն էլ կարող են կատարուել երկու կերպ: Եթէ օրինակ պարլամենտ պիտի ուղարկել 100 պատգամաւոր, երկիրը կարելի է բաժանել ա) 100 հաւասար ազգաբնակչութիւն ունեցող, ընտրական շրջանների, որոնցից իւրաքանչիւրը կուղարկի մէկ պատգամաւոր, և բ) աւելի սակաւաթիւ, բայց անհաւասար ընտրական շրջանների (օրինակ՝ 2—5), որոնցից մէկը կուղարկի 10, միւսը 15, երրորդը աւելի թւով պատգամաւորներ, նայած ազգաբնակչութեան համեմատական բաղմութեան: Առաջին դէպքում ընտրողը ամբողջ շրջանի համար ձայն պիտի տայ միայն մէկ թեկնածուի. այդ պատճառով էլ այդ ձայնաւութիւնը կոչուած է միանւանակալ կամ քզա-

նային (Einwahl, scrutin uninominal կամ scrutin d'arrondissement, одноименные выборы): Երկրորդ դէպքում մի ընտրական շրջանի ամեն մի ընտրող ձայն պիտի տայ մի շարք թեկնածուների, որքան պատգամաւոր որ պարլամենտ պիտի ուղարկուի, այդ պատճառով էլ այդ ընտրութիւնները կոչուած են ընտրութիւններ ըստ ցուցակների (Listenvahl, scrutin de liste, выборы по списку): Առաջին տեսակի ընտրութեան բաժանումը գոյութիւն ունի համարեա բոլոր մեծ պետութիւններում, ուր չէ մուծուած համեմատական (պրոպորցիոնալ) ընտրութիւնը, երկրորդ տեսակի բաժանումն արդէն մտցրած է մի քանի մանր պետութիւններում— Բելգիա, Սերբիա, Դանիա և Շւէյցարիայի մի քանի կանտոններում: Երկու դէպքում էլ ընտրուած է համարուած այն թեկնածուն, որ ստացել է առաջին ընտրութեան ժամանակ ընտրութեան մասնակցողների կէսից աւելիի ձայնը, կրկնաքէարկութեան ժամանակ՝ ձայների համեմատական առաւելութիւն: Ուրեմն «ձայն բաղմացի» սկզբունքը գործադրուած է այդ ընտրութիւններին, որոնք և կոչուած են մաժորիտար: Պարզ է ուրեմն և այն, որ փոքրամասնութեան ձայնը միանգամայն կորչում է այդ օրինակ ընտրութիւնների ժամանակ:

Օրինակներով խօսենք: Ասենք թէ մի ընտրական շրջանում, ուր պիտի ընտրել մէկ պատգամաւոր, ձայն պիտի տան 1000 ընտրողներ: Ասենք թէ նաև զբանք բոլորը պատկանում են երկու կուսակցութեան՝ 600 հոգի կաղէտ են, 400 հոգի՝ աշխատաւորական: Իւրաքանչիւր կուսակցութիւն կը դնի իր թեկնածուն: Պարզ է, որ յիշեալ դէպքում կընտրուի կաղէտ թեկնածուն, քանի որ նա կատանայ ձայների բաղմութիւն (600 ձայն), իսկ աշխատաւորականների թեկնածուն

կսեանայ, նրա ստացած 400 ձայնը գրողի նշանակութիւն չի ունենայ:

Մենք ցոյց տւինք մաթորիտար ընտրութիւնների անյարմարութիւնը. և այդ՝ ուր երկու կուսակցութիւն զոյութիւն ունի. իսկ եթէ նոյն ընտրական շրջանում 3—4 կուսակցութիւններ կան՝ աւելի տգեղ հեռանք կարող է ստացուել: Մի կուսակցութիւն կարող է ունենալ 350 ձայն, երկրորդը 300, երրորդը 200, չորրորդը 150: Ամեն մէկը կը դնի իր թիկնածուն: Այդպիսով ուրեմն՝ այդ շրջանում ընտրած պատգամաւորը կը հանդիսանայ փոքրամասնութեան (1000 ձայնից—3503) ներկայացուցիչ, և մեծամասնութեան ձայնը այս դէպքում կմնայ անանց որ և է նշանակութեան: Նմանապէս, երբ ընտրութիւնը լինում է ոչ թէ միանշանական, այլ ըստ ցուցակների. այդ դէպքում էլ նոյն հեռանքը կարող է ստացուել: Ասենք, թէ մի շրջանում հարկաւոր է ընտրել 10 հոգու: ընտրում են 2000 հոգի, որոնցից 1001-ը մի կուսակցութեան է պատկանում, 999-ը ուրիշ. 1001 հոգին էլ բոլորը ձայն կը տան բոլոր իրենց 10 թեկնածուներին, իսկ 999-ի 10 թեկնածուները կը սևանան:

Ուրիշ օրինակ,

Ասենք թէ մի երկրի բոլոր ընտրողների ընդհանուր թիւն է 50,000, որոնք 50 ընտրական շրջանում պիտի ընտրեն 50 երկայացուցիչ: Ասենք նաև, թէ այդ երկրում կայ երկու կուսակցութիւն՝ և B: Ընդունենք թէ A կուսակցութիւնը 20 ընտրական շրջաններում ունի 900-ական ձայն, իսկ B-ն 100-ական ձայն, մնացած 30 ընտրական շրջաններում, ընդհակառակը, A-ն ունի 400-ական ձայն, իսկ B-ն 600-ական: Այսպէս ուրեմն՝ մաթորիտար ընտրութեան

դէպքում A կուսակցութիւնը պարլամենտում կունենայ 20 ներկայացուցիչ միայն, իսկ B-ն՝ 30 ներկայացուցիչ: Ուրեմն՝ A կուսակցութիւնը տրեւի է  $20 \times 900 = 18,000$  և  $30 \times 400 = 12,000$  և ընդամենն 30,000 ձայն. իսկ B կուսակցութեանը տրեւի է  $20 \times 100 = 2000$  և  $30 \times 600 = 18,000$  և ընդամենը 20,000 ձայն: Այսպիսով կստացւի մի տրամաբանական անհեթեթութիւն: Փոքրամասնութիւն կազմող կուսակցութիւնը (B, 20,000 ձայնով), պարլամենտում կունենայ աւելի թւով ներկայացուցիչներ (30), քան մեծամասնութեան կուսակցութիւնը (A, 30,000 ձայնով). որ կունենայ միմիայն 20 ներկայացուցիչ:

Առաջ ենք բերում հետևեալ ցուցակը \*), որ ցոյց է տալիս 1890-ի ընտրութիւնների հետևանքը Բաղէնում:

Կուսակցութիւններ	Ձայների թիւը	Ներկայացուցիչների թիւը
Նացիոնալ-լիբերալ	82,269	—
Կենտրոնի կուսակ.	80,726	8
Ազատամիտներ և դեմոկրատ.	40,223	2
Սոցիալ-դեմոկրատներ	29,309	1
Պահպանողական	17,826	2
«Վայրենիներ» (անկուսակ.)	8,444	1
Ընդամենը	258,804	14

Այս ցուցակից պարզ երևում է, որ երկրի ամենազօրեղ կուսակցութիւնը՝ նացիոնալ-լիբերալները, որոնք ստացել են բոլոր ձայների  $\frac{1}{3}$ -ը. չեն կարողացել ընտրել և ոչ մի ներկայացուցիչ, մինչ այդ կուսակցութիւնից աւելի պակաս ձայն ստացող կենտրոնը ընտրել է 8 ներկայացուցիչ: Մինչ նոյն նացիո-

\*) Георгъ Мейеръ, изд. право. 175.

նալ-լիբերալներն կուսակցութիւնը 1897 թ, ընտրութիւնների ժամանակ ստանալով բոլոր ընտրողների կէսից պակաս ձայն (275,247-ին 121,831 ձ.) ընտրել էր ընդամենը 14 ներկայացուցիչներից 9 հոգի իր կուսակցութեան մարդիկ:

Թէ յիշուի մաժորիտար ընտրութիւնները չեն կարող իսկական ժողովրդական «ներկայացուցչութեան» պատկերը տալ, այդ երևում է նաև հետեւալ փաստալից տեղեկութիւններից \*): Ֆրանսիայում 1881 թւականից մինչև 1902-ը տեղի ունեցած ընտրութիւնները տւել են հետեւալ պատկերը:

Թւական	Ներկայացուցիչների ստացած ձայների թիւը	Ներկայացուցչի շուրջը կած ձայների թիւը
1881	4,777,000	5,600,000
1885	3,042,000	6,000,000
1889	4,526,000	5,800,000
1893	4,513,000	5,930,000
1898	4,906,000	5,633,000
1902	5,159,000	5,818,000

Այս թւերից պարզում է, որ բոլոր ընտրութիւնների ժամանակ էլ ձայների կէսից աւելին չէ ունեցել ներկայացուցչութիւն, իսկ 1885-ի ընտրութիւնների ժամանակ՝ մինչև իսկ բոլոր ընտրողների <sup>2</sup>/<sub>3</sub>-ը: Իրողութիւնը ուրեմն այն է, որ երկիրը կառավարում են փոքրամասնութեան ներկայացուցիչներ:

Քանի որ մաժորիտար ընտրութիւնների միջոցով չէ կարող արտայայտւել ամբողջ, կամ համարեա ամբողջ ժողովրդի կամքը, այդ պատճառով էլ գեմոկրատական ընտրութիւնների կողմնակիցները ջանքեր են թափել և սխտեմներ մշակել՝ ազգարնակութեան

\*) Государств строй и. т. д. кр. 303.

փոքրամասնութեան շահերը ընտրութիւնների ժամանակ քննած չլինելու համար:

Երկու տեսակ միջոց է առաջարկել այդ նպատակին հասնելու համար—փոքրամասնութեան ներկայացուցչութիւն և պրոպորցիոնալ ընտրութիւն: Ակնյայտ է դրա կարևորութիւնը այնպիսի երկրներում, ուր գոյութիւն ունեն մի քանի կուսակցութիւններ և կամ ուր ապրում են մի քանի ազգութիւններ: Եթէ ընդունէինք մաժորիտար ընտրութիւնների սկզբունքը, այդ դէպքում պիտի փոքրամասնութիւն կազմող կուսակցութիւնները և մանր ազգութիւններն անտես առնւէին, ինչպէս որ յիշուի այդպէս էլ լինում է: Կովկասի նման մի երկիր, ուր ապրում են շատ մանր ազգութիւններ, շահագրգռած է փոքրամասնութեան շահերի պաշտպանութիւնը երաշխաւորող ընտրութեան ներմուծմամբ, որը իր տեղին երբեմն աւելի կարևոր նշանակութիւն ունի, քան ուղղակի կամ գաղանի ձայնաութիւնը:

Համեմատական (պրոպորցիոնալ) ընտրութեան կողմնակից են Եւրոպայում նաև մեծամասնութիւն կազմող կուսակցութիւնները. նախ՝ նրա բուն ղեմովրատիական ոգին ի նկատի ունենալով, և երկրորդ այն, որ ուրիշ սահմանափակումների (պուլբալիստեմ, անուղղակի ձայնաութիւն, և այլն) շնորհիւ քննուում են մեծամասնութեան շահերը և պաշտպանում փոքրամասնութիւն կազմող արտօնեալների շահերը: Այդ է պատճառը, որ վերջինները մեծ մասամբ հակառակ են պրոպորցիոնալ ընտրութիւններին:

Նախ տեսնենք, թէ ինչ պէտք է հասկանալ փոքրամասնութեան ներկայացուցչութիւն ասելով, որն էլ իր կարգին երկու եղանակով կարող է իրադրուել—անկատար վոտում (vote limit) և հաւաքական

վոտում (vote cumulatif): Անկատար վոտումի էութիւնն այն է, որ այն ընտրողական շրջաններում, որտեղ պիտի ընտրեն մի քանի ներկայացուցիչներ, ամեն մի ընտրողի իրաւունք է տրուում իր ձայնը տալու ոչ թէ բոլոր, այլ միայն մի քանի թեկնածուների (օր. 5-ից 3 հոգու): Այսպիսով էլ փոքրամասնութեանը հնարաւորութիւն է տրուում անցկացնելու իր, թէև սակաւաթիւ, թեկնածուներին:

Հաւաքական վոտումի էութիւնը հետեւայն է: Դիցուք մի ընտրական շրջանում հարկաւոր է ընտրել 10 պատգամ. Ամեն մի ընտրող իրաւունք ունի այնքան ձայն տալու, որքան որ պատգամաւորներ պիտի ընտրեն. յիշած դէպքում ընտրողին իրաւունք է տրուում այդ 10 ձայնն էլ տալու թէկուզ միայն մէկ թեկնածուի:

Տեսնում ենք՝ յիշած ընտրական եղանակը խիստ միտումաւոր է և ձգտում է հարցը ոչ թէ սկզբունքով լուծելու, այլ արեւստական ճանապարհով զիւրութիւն տալու փոքրամասնութեանը կամ նոյն եղանակ թուլացնելու մեծամասնութիւնը:

Բոլորովին ուրիշ սկզբունքային ելակէտ ունի համեմատական (պրոպորցիոնալ) սիսեմը: Նա աշխատում է պարլամենտում համեմատական կերպով ներկայացնել տալ պատգամաւորներին ընտրող կուսակցութիւնները: Համեմատական ընտրութիւնների կողմնակիցներն այն հիմնաւոր համոզմունքն ունեն իրենց երակէտ, թէ պարլամենտական ներկայացուցիչները պէտք է արտայայտիչ հանդիսանան նրանց ընտրողների կարծիքի. ըստ այնմ էլ, ասում է Չ. Ստ. Միլլ. ամենալաւ պատգամաւորը նա է, որ ամենից լաւ արտայայտիչ է իր ընտրողների կամքի: Ոմանք յայտնում են նոյնիսկ այն կարծիքը, թէ ներկայա-

ցուցիչներն իրենց ընտրողների սոսկ լիազօրներն են, հետեւապէս, նրանք ըստ կարելոյն ճշգրիտ կերպով պարտաւոր են արտայայտել պարլամենտում իրենց ընտրողների կարծիքները: Միրաբոն ասել է: «Պարլամենտի ներկայացուցիչները ժողովրդի վերաբերմամբ պիտի լինեն այն, ինչ աշխարհագրական քարտէզը՝ երկրի իսկական աշխարհագրական դիրքի վերաբերմամբ»:

Դեմոկրատական պետութեան գաղափարը զուտ ժողովրդապետութեան սկզբունքը որոշ չափով իրագործելի դարձնել նաև ներկայացուցչական ժողովում, ուստի և ընտրեալ ներկայացուցիչները պէտք է արտայայտիչ լինեն ժողովրդական կամքի: Պրոպորցիոնալ ընտրութիւններն էլ հանդիսանում են իբրև մի միջոց այն բանի, որ զանազան կուսակցութիւններ, թէկուզ սակաւաթիւ հետեւողներով, հնարաւորութիւն ունենան մասնակցելու ժողովրդական ներկայացուցչութեան մէջ: Ուրեմն՝ այդպիսով պաշտպանւում են միաժամանակ և փոքրամասնութեան շահերը. Պրոպորցիոնալ ընտրութեան նշաբանն է՝ «փոքրամասնութիւնը կշտադատում է, մեծամասնութիւնը վճռում»: Բացի կուսակցութիւնների ներկայացուցչութիւն լինելուց՝ պարլամենտը հանդիսանում է նաև երկրամասերի և ազգութիւնների ներկայացուցչութիւն: Ամեն մի երկրամաս, նահանգ կամ գաւառ ունի իր առանձնաշատուկ, ինքնուրոյն շահերը, որոնք պաշտպանութիւն պիտի գտնեն ժողովրդական ներկայացուցչութեան մէջ: Նմանապէս առանձին-առանձին ազգութիւններ ունեն իրենց սեփական շահերը: Պրոպորցիոնալ ընտրութիւնները, փոքրամասնութեան շահերը պաշտպանելով, այդպիսով նաև գոհացում են տալու այդ պահանջներին:

Գործնական կեանքում ինչպէս պիտի իրակա-

նացնել համեմատական ընտրութեան սկզբունքը: Ասենք թէ մի ընտրական շրջանից պարլամենտ պիտի ուղարկել 10 ներկայացուցիչ: ընտրողների թիւն է 1000: Մաթորիտար ընտրութիւնների ժամանակ ընտրւած է համարուում նա, որ ստացել է կէսից աւելի ձայն, յիշած օրինակում՝ 501 ձայն. և եթէ մի կուսակցութիւն կէսից աւելի (թէկուզ միայն 501) ձայն ունի իր կողմը, 10 հոգին էլ իր մարդկանց կընտրէ, իսկ 499-ը ընտրելիները կսևանան:

Այլ է պրոպորցիոնալ ընտրութեան սկզբունքը, որ տարբեր կուսակցութիւններ, նաև փոքրամասնութիւնը կամենում է ներկայացնել: Վերցնենք նոյն օրինակը: 1000 ընտրող կայ և 10 ընտրելի: Եթէ 600 հոգի մի կուսակցութեան են պատկանում, 400 մի ուրիշ, այդ դէպքում առաջին կուսակցութիւնը, իր թիկնածուների ցանկից (կարգով սկսած առաջինից) միջից ընտրում է 6 հոգու, միւս կուսակցութիւնը՝ 4 ներկայացուցիչ: Այսպիսով, ուրեմն, կուսակցութիւններ ցերեպայացուցիչներ են ուղարկում իրենց համեմատական (պրոպորցիոնալ) քի համաձայն: Այդ պատճառով էլ հէնց ընտրութեան այդ սիստեմը կոչուում է համեմատական կամ պրոպորցիոնալ:

Այսպէս էլ կարելի է անել: 1000 հոգու միջից պիտի ընտրել 10 հոգի: Ժողովի նախագահը կանչում է մէկ-մէկ ընտրողներին և դնում նախ ասենք, պահանջողականների թեկնածուների տուփերը—Ա. Բ. Գ. և այլն: Հէնց որ Ա.-ն ստանում է 100 ձայն, նա համարուում է արդէն ընտրւած. ուստի և, նոյն կուսակցութեան համախոհները, ձայնը չը կորցնելու համար, այլևս իրենց ձայնը չեն տալիս Ա.-ին այլ Բ.-ին և այլն: Այդպիսով ուրեմն, ամեն մի ընտրելի, հէնց որ ստանում է 100 ձայն, համարուում է ընտրւած: Ուրեմն՝

եթէ 600 պահանջողական են և 400 իրերալ, կընտրուեն 6 հոգի առաջիններից, 4 հոգի վերջիններից:

Բայց, բանն այն է, որ գործնական կեանքում այդպիսի «կլոր» թւով ձայներ չեն տրուում, կարող են ձայները այսպէս բաժանուել—650 Ա. կուսակցութեան կողմը, 350 Բ. կուս. կողմը: Աւելի է բարդուում հարցը, երբ ոչ թէ երկու, այլ 3—4—5—6 կուսակցութիւն կայ մի ընտրական շրջանում: Այդ դէպքում ձայները կարող են այսպէս բաժանուել, 335 Ա. կուսակց., 280 Բ. կուսակց., 185 Գ. կուսակց., 175 Դ. կուսակց., 70 Ե. կուսակց. և 36 Զ. կուսակց.: Եւ եթէ ընտրւած պիտի համարուեն (1000:10=)100 ձայն ստացող ընտրելիները միայն, ապա ուրեմն՝ յիշած դէպքում ընտրւած պիտի համարել 3 Ա. կուսակցութիւնից, 2 Բ. կուս. 1 Գ. կուս. և 1 Դ. կուս.: Ե. և Զ. կուսակց. թեկնածուները, ստացած չը լինելով պահանջած թւով ձայներ, չեն համարուում ընտրւած. բայց չէ՞ որ հարկաւոր է ոչ թէ 7, այլ 10 հոգու ընտրել: Մնացած 3 ներկայացուցիչը որ կուսակցութեան մարդ պիտի լինի:

Դրա համար ինչպէս որ այժմ ընդունւած է Ռուսաստանում ընտրութիւնների ժամանակ, նկատի են առնում ամենամեծ մնացորդները: Վերևի օրինակով ուրեմն Ա. կուսակցութիւնը կտայ 3 պատգ., Բ. կուս., 3 (2+1), Գ. կուս. 2 (1+1), Դ. կուս. 2 (1+1), ընդամենը ուրեմն՝ 10 պատգամաւոր:

Բելգիացի իրաւագէտ Վիկտոր դ'Օնդիսի առաջարկութիւնը մի փոքր այլ է, որի էությունը կայանում է հետևեալում:

Վերցնենք վերի թւերը: Ասենք թէ 10 ներկայացուցիչ ընտրող 1000 ձայնը բաժանուում է այսպէս:

415 սոցիալ-դեմոկրատներ

284 դաշնակցականներ

180 ս.-յեղափ.

121 կադէտներ

Այդ բոլոր ձայներից իւրաքանչիւրը վերցնենք և բաժանենք 2-ի, 3-ի, 4-ի վրայ և այլն. կը ստանանք որ

415:2=207:3=138:4=103,

284:2=142:3= 94:4= 71.

180:2= 90:3= 60:4= 45.

121:2= 60:3= 40:4= 30.

Ստացած բոլոր թւերը մենք կը վերցնենք կարգով, սկսած ամենամեծից, մինչև որ լրանայ 10 պատգամ. թիւը: Այսպիսով 1-ին տեղը կը պատկանի ս.-դ.-ներին, 2-ը դաշն. 3-րդը կը կին՝ ս.-դ.-ներին, 4-րդը ս.-յեղ.-ներին, 5-րդը կը կին դաշն., 6-րդը կը կին ս.-դ.-ներին, 7-րդը կադէտներին, 8-րդը կը կին ս.-դ.-ներին, 9-րդը կը կին դաշն., 10-րդը կը կին ս.-յեղ-ին:

Ուրեմն կը ստացան այսպիսի թւեր.

415 ս.-դ.-ներ 4 ներկայացուցիչ

284 դաշնակց. 3 ներկայացուցիչ

180 ս.-յեղ. 2 ներկայացուցիչ

121 կադէտ. 1 ներկայացուցիչ

1000 ընտրողներ 10 ներկայացուցիչ

Տեսնում ենք, պրոպորցիոնալ ընտրութիւնները տյնքան էլ «անսովոր բարդութիւններ» չունեն և ոչ էլ նրանց հասկանալու համար կարևոր են «մաթեմատիքական տրակտատներ,—ինչպէս որ կարծում են այդ ընտրութիւնների հակառակորդները: Ընդհակառակը ակներև են այդ սիստեմի առաւելութիւնները: Բացի այն, որ այդպիսով ամեն մի կուսակցութիւն

համեմատական չափով հնարաւորութիւն է ստանուել ներկայացուցիչներ ունենալու այդ սիստեմը տալիս է և հետեւեալ արդիւնքները.

1. Կուսակցական կազմերի մէջ եղած անհամունները բուլանում են: Մաթորիտար ընտրութիւնների ժամանակ շատ անգամ սակաւաթիւ ձայների շնորհիւ յանկարծ կարող է մի կուսակցութիւն մի քանի ներկայացուցիչ աւելի կամ պակաս ուղարկել, իսկ համեմ. ընտր. դէպքում յայտնի է արդէն մի կուսակցութեան ձայների թիւը, և նա այդ ձայների համեմատական չափով միայն ներկայացուցիչ ունենալ կարող է, ոչ տւելի և ոչ էլ պակաս:

2. Պարզ է նաև վերոյիշեալից, որ պրոպորցիոնալ ընտրութիւնները մեղմացնում են կուսակցութիւնների պայքարը ընտրութիւնների ժամանակ:

3. Վերացում են շատ անգամ իրար հակառակորդ համարող կուսակցութիւնների մէջ կայացող համաձայնութիւնները՝ ընտրութիւնների ժամանակ:

4. Վերանում են նաև այդ դժարութիւնները, որոնք կապւած են ընտրական շրջանների հետ: Ամենալաւն այն կը լինէր, ի հարկէ, եթէ ամբողջ երկիրը համարէր մէկ ընտրական շրջան:

Եւէյցարիայում, Բելգիայում և ուրիշ երկիրներում այժմ նաև Ռուսաստանում ընդունւած է պրոպորցիոնալ ընտրութիւնների սիստեմը, որն և տալիս է յաջող հեռանքներ:

# ԲՈՎԱՆԴԱԿՈՒԹԻՒՆ

## I. Ժողովրդապետութիւն

Ժողովրդապետութեան էութիւնը:—Անմիջական և ներկայացուցչ. ժողովրդապետութիւն:—Ռեֆերենդում և ինիցիատիւ:—Ընտրողական իրաւունք:

## II. Նախընտրական պայմաններ

Սուբի. մամուլի և ժողովուրդների ազատութիւն:—Անձի և ընտանիքի անձեռնմխելիութիւն:—Ընտրող. շրջաններ և ընտրութիւնների կարգաւորումը:

## III. Ընդհանուր ընտրական իրաւունք

Հաւասար ընտրողական իրաւունքի էութիւնը:—Սահմանափակումներ:—Դասային ներկայացուցչութիւն կարողութեան և կրթութեան ցենզ:—Բնակավայր:—Հասարակական միջոցներից օգտուողներ:—Զինւորականներ և շինուորիկներ:—Այլացեղ և այլակրօն ընտրողներ:—Կանայք:—Անչափահասներ, հոգեկան հիւանդներ, յանցագործներ և օտարահպատակներ:

## IV. Հաւասար ընտրութիւններ

Հաւասար ընտրողական իրաւունքի էութիւնը:—Պլուրալիստեմ:—Սրա պաշտպանները:—Անհեթեթութիւնը:—Անգլիա, Բելգիա, Աւստրիա, Պրուսիա:—Ընտրողական աշխարհագրութիւն:—Գերմանիա:

## V. Համեմատական (պրոպորց.) ընտրութիւններ

Մաժորիտար ընտրութիւններ:—Փոքրամասնութեան իրաւունքի խախտումը:—Օրինակներ:—Փոքրամասնութեան ներկայացուցչութիւն:—Համեմ. ընտրութիւններ:—Վ. դ' Օնգտի սխատեմը:—Համեմատ. ընտր. առաւելութիւնները:

## VI. Ուղղակի և գաղսկի ձայնւորութիւն

Ուղղակի ձայնուրութեան էութիւնը:—Անուղղակի ընտրութիւնների էութիւնը:—Երկաստիճան և բազմաստիճան ընտրութիւններ:—Գաղսնի ձայնուրութիւն և նրա առաւելութիւնները և բաց քէարկութեան թերութիւնները:—Վերջաբան:

ԼՈՅՍ ԵՆ ՏԵՍԵԼ

- № 62. Հ. Յ. Գաղնակցութեան հայերէն ծրագիր 20 կ.  
 № 63. նոյնը սուսերէն . . . . . 20 կ.  
 № 64. Հ. Յ. Գ. նազապոյն ծրագիր հայերէն 10 կ.  
 № 65. նոյնը սուսերէն . . . . . 10 կ.  
 № 66. նոյնը վրացերէն . . . . .  
 № 67. 1917 թ. ապրիլի 6—12 Հ. Յ. Գ. Ռայո-  
 նական ժողովի որոշումները . . . 15 կ.  
 № 68 նոյնը սուսերէն . . . . . 15 կ.  
 № 69 Ա. Աբեղեան. Ի՞նչ է իրաւական պետու-  
 թիւն (II հրատարակութիւն). 1 ս.  
 № 70. Ա. Աբեղեան. Ժողովրդավար ընտրութիւն-  
 ներ, (II հրատարակութիւն). . . 70 կ.  
 № 71. Գ. Ս. Ազգալին հարցը, Աւստրոսլաւիա և Ֆէ-  
 գերացիա . . . . . 25 կ.  
 № 72. Ֆ. Լասսալ. Սահմանադրութեան էութեան  
 մասին, թարգ. Լ. Բարայեան (II հրատ.) 50 կ.

ԳԻՆՆ Է 70 ԿՈՊ.

Պահուող գրանուած է Тифлисъ, Лермонтовская  
 № 12 Библиотека «АРАЧЪ»:

«Ազգային գրադարան»



NL0206439

35. 6/5